



明文海卷二十五

餘姚 黃宗羲 編輯

賦二十五

述懷三

閔獨賦 葉良佩

閔諒貞之獨立兮，貼衆險以乘危。蹇離披以隕獲兮，循本初而自思。始予之未有知兮，專六籍以為師。朝帶經于兜圃兮，夕發憤守董帷。物何幽之不鏡兮，理何微而不窺。既釋以從政兮，焚亂絲其難治。索慮謀于古訓兮，

判與彼而異宜無心歸之茫々兮疑簡策之我欺步徒
倚而遙思兮寐展轉而反惟困極其必通兮神恍惚兮
若有得曰道有元機兮而靡定式乘時制用兮妙存悟
識親賢爾輔兮稽古自益任重惟毅兮篤信靡惑惕靈
魂以驚悟兮奉神既以周旋抽詩書之秘訣兮萃仁友
以討論遺驪牝之粗跡兮溯九河兮崑崙披義塗于棘榛
榛兮排私闥以為禮門塞木蘭繼余佩兮扈芳洲之芷
蓀冠切雲之寶昇兮明月懸乎帶擊衆詭嫉之弗回兮
猶汲々乎疇昔之言夫惟被服之魁崔兮衆果爰然而

忌之加以險陂之偽名兮乃集羣怒而噬之衆口垂涎
之逸瀆兮張怒目而睚眦怵鬱邑余煩寃兮雖百喙莫
之能解豈不厯情以陳辭兮荃詆余之善誑競服面而
背憎兮反撫予言以肆謗聯矰弋之在上兮覆深淵而
在下仰側身以發機兮俯置足之靡所念予初志之好
修兮今何以侘傺係而遘殃將惟言語以昏亂兮無亦擇
交之不詳世舉好朋而惡異兮余獨蹈其所怪揭吾日
月以孤行兮豈不招尤于晦昧伏貞信于幽明兮全形
軀之已多反年歲之未晏兮修初服其何為龍襲余芳兮

鏹余彩坐若忘行若待中以為廬兮和以為馬馳騫
于順適之途兮休息乎曠漠之野衆之不可勝兮險不
恬乎再試頌我遇以成章兮書爾紳以自識

申臆賦 朱應登

炳哲靈以儀圖兮覩人文之攸章邈終古以橫睟兮羌
媵美之鮮隻紛摠上之林府兮嗟要指之必同探寶航
于百濟兮豈珍錯之畢將吾形吾之內熠兮表鑠窄于
縱橫倘解神以貫一兮雖裂裂其奚傷彼固擁篲以清道
兮俟塵躅于周行惟體裁變于異世兮嘻末流之濫

觴曾大雅之弗程兮日仇上以叛經鑿龐洪以頽靡兮
恣國運而不昌彼英蕤之夕賈兮曷椅梧之在岡握道
樞于環中兮固匪夷之所思寧勃屑于微纒兮印超脫
乎帶羈歛神化之蟬蛻兮蓀獨宜于流裔謝鏤刻以返
沕穆兮萃要頌之所之嘘沆芒之元氣兮象萬有之陸
離掇九据以定元兮指六緯之攢羅興九懷以繼騷兮
衍五際之委蛇舍黃虞以下索兮鬱秦漢之足致彼渾
朴之未雕兮視大道為近而睽龔爵之雖謔兮疇更倣
乎雖彛聆錚鏘之易節兮及黃鍾之克諧矢之曰貞予

見兮無毀孰篤余道兮發蒙翳馭吾氣兮合采齊律予
格兮絕譎韞守質齷以揚確兮俾凡例之有挈參觥摘
以袂飾兮既繁富而歲鴻邃兮巨麗雋永兮敦大噉
喋兮䟽越流屯兮撒揆崇作述之澗上兮庶不乖乎所
制期絕代以高視兮以式耀于斯世嗚乎古人兮其儷
其儷許曰已焉哉紫氣^色颯聲道日靡兮縱上季世昧厥
義兮雕虎擒龍各相憇兮肆類終造校昔蹟兮而日如
如承流波兮願瞻中道將安師兮矢心古若匪今懃兮

定志賦 陸容

后皇賦物兮孰嗇孰優衆皆善世兮我獨離憂古弗能
便兮意弗善投每行身以直道兮恒速悔而招尤初余
受言于先正兮曰放心之是求朝窘步于春冰兮夕束
手于縲囚儼矜持以日慎兮馭朽索于八騶余豈不能
狎侮以戲豫兮懼加冠于沐猴彼囂上之訾余兮謂余
作作而宣驕 叶凜斯言之可畏兮贅余心以縣疣余將
終詩人之善謔兮襲老氏之同流逸軌範以騰鶩兮舍
舟航而泳游騁余志之猖狂兮與斯世而沉浮求諸心
兮不可念前功^命率由矧人情之難一分紛萬狀其弗

明文海 卷三 四
侔苟甘心以徇物兮將何時而可休彼夷之峻絕兮實
惠之所憂和同若惠兮亦夷之所羞人固有能有不能
兮惟至聖其能周慨恥躬之涼薄兮夫孰告余以嘉謀
余惟口宣尼之便恂兮顏衛武之輯柔戒悻直于伯鯨
兮懲巧令于左丘苟余行之不悖兮尚何恤乎楚人之
咻亂曰已矣乎人言之啾也兮匪時俗之偷兮實余德
之不修彼動容之中禮兮余將企斯人以為儔

感遇賦

張鳳翼

朝步^江阜海日湧金長風鳴濤秋氣僚僚汀蘆蕭騷追

疇昔之三獻嗟吾生之二毛于是撫景感遇慷慨支髮
緬懷往哲含酸銷骨爾乃伍脊讎楚流離奔吳吹笛行
市色瘁容楛渺故國之桑梓遲江南之雄圖墮心飛雲
杖血啼烏若乃洛陽蘇季返燕顛賴金盡途窮貂裘隕
淚恥一布之不貸臨易水以長喟至如范叔被讒摺負
折齒身辱形穢忍痛佯死匍匐登車倥偬投止若夫陳
侯懼誅封印東歸日斲修武魂驚解衣悵竒計之未售
閔長貧而心違以至賈傅見疏竦罪長沙湘潭沈日巫
峽流霞遠志之莫酬弔三閭而興嗟是皆講蹇運而

躑躅丁末路以驅憤遷臣之狼疾抱孽子之狐疑何
生平之不屈今與古其弗殊肆岐路之慟哭阻前修之
身衢效正平之懷刺慕終童之棄繻何天路之峻絕憑
雲達其縈紆奄就羈以服役羌觸藩其多虞聚登樓以
興懷叔哀系以名章世按劔乎無日悼絲桐之虛張莞
進退其維谷信出入之未減知怨尤之非訓亦重感夫
彼蒼或均才而異值或德醜而殊食或宜速而獨淹或
當豐而永嗇或偕升而返下或同而偏溺何紛錯兮
不齊竟杳茫其莫測若夫命與才合功倚時隆振音鳴

鶴翻翼游龍何焚舟之忱也胡繫楫之忡也止無待予
卜居行無勞乎問相快妙歲之遐舉擅壯年之桀望庸
詎知其委蛇于黃金之堂逍遙于青雲之上悲乎哉得
失靡常俯仰異狀豈天命之果純抑權衡之允當心絳
結其不舒窘徬徨而奚向已矣乎羲和西邁兮孰揮
戈世變反復兮桑田波功業不建兮將奈何

清景賦 并序 黃忠端

戊申秋郊居無事紅樹白雲清景飛來龍衣人因念造
物無藏何地不然在人自取遂暢而賦之然政未可

為當場入道也

縱觀寰區物各有主蝸角空馳蠅頭無幾亦倏滄而倏
桑將何去而何取于是思人生有盡清景無窮苟雜處
塵囂之中將畢其身而營匕夫清景者天地不靳與侯
王不司權素封無從厚積俠士何所市緣長享不訛其
淫奢取孰禁其貪雖巧拙之參差皆得樂此以終年若
夫家擅名區地臨絕勝楚澤吳山梁園蔣徑樓倚重霄
湖涵金鏡飛絕嘯而瀑布出層雲以懸磴鳥競嚶鳴之
響鹿忻野曠之性此樂何極或不能定至如處岩伏岵

羞稱金谷有笙有竽非絲竹嘗盡日而掩關聽松濤以
于山麓鼯鼠來而樹動苔蘚秀而石綠臨遠近之谿流
觀魚泳而獸伏此時靜夜山犬豹聲攝衣而起孤影在
庭此景悠然樂何如勝若僻棲遠村臥于丘首流水遶
廬修竹參斗戴青箬兮披綠蓑雨後犁兮婦饁畝牛
與羊兮下暮山鶯與燕兮啼春柳謝漢晉而不知量陰
晴于野叟見槿籬之宿露聽村雞之啼酉忽梧桐之月
懸釀濁醪而在手此豈彭澤之能專恍與羲皇而為友
或乃長橋之畔太湖之涓霞光光綺散水色霏微泛棹

中流則濤白雲連極目兩涯則樹密天低淵客發激楚之
謳遊女歌採蓮之遺復有成羣鳧鷺倚岸蘭蓀柔櫓
疑乃香靄氤氳此時此景把臂閒論羨貂蟬洗爾塵全
全或乃幽池舊畦閒庭小院有茨可採有水可灌窻列
入雲之峰磴穿依水之練來遠鳥兮孤枝盤雲虬兮荒
蔓復有水勢漫上石澗濺上鴻雁啣上芰荷田上此時
花下獨酌逸興翩躚至如宅近秋隘雜居城市借琴樽
以自陶遠繁華之俗子入吾室兮風姨當吾樽兮月姊
流清露于曲欄舞楊花于素几此時小軒危坐金爐

夕香研朱讀易弄管敲商忽風清于枕簟見雲起于縹
緗神灑然而獨往忘身世之何鄉是以清地不一清興
皆同清人不數清景何窮花鳥春兮池波漲蘋蓼秋兮
桂影紅火雲獻此天冶色寒光合成瓊玉宮故或入深
林而散髮或踞故床而嘯遊蘭亭流曲水之觴剡谿乘
雪夜之舟皆能共娛清景不綴癭疣其清也豈在管絃
之競粉黛之浮居吞雲夢之澤門迎珠履之流鬪雞走
狗浮蠲鳴鼉以為夷猶者乎

幽鞠賦

并序

盧柟

明文海 卷三十五
盧柟既用事逮繫濬獄與幽囚伍督憤迷惑日無日
月不知晦朔仰天太息曰嗟乎聖人修身善道立命
不貳賢者推運循理以定所天願柟微敢離茲憲網
問諸造物而已曰作賦以自廣其辭曰
帝顛頊之婣媛兮皇波往乎姬姜儻海岱蜿蜒于北陬
兮靈宗嘉牒于范陽選雲雷之靈霽兮踐蹂改此南服
淑浚土作甘美兮躡康侯之芳躅皇傑梧檟道以迪惠
兮母氏靜約而告育曰余夢文杏霍散于霄漢兮芙蓉
驛而尚粹溘焱焮儵而進兮應龍鬣上而下眎偵蚘虬

以甜醅兮頷乞擢而速瑞億錯指以羣號兮明駉上而

决皆倏恍恍以隕虛兮覺懷妊而曰甚

余母夜夢此有娠

謫余

降于衛許兮幼好姱而岐嶷岌青雲之偉冠兮挾長劍
之陸離朝晞余髮于崑崙兮暮濯足于咸池擊招搖以
為祛兮履慧星以為綦余嘗喟其歷之未現兮勸修余
之菲芳裁薜荔以為衣兮表芙蓉入翠裳集菌蔭以為
藉兮糝杜蘅以為糗揭旌于蘭皋兮稅駕乎芳之塘余
迅滅鞞以高舉兮汨鍛翮而顛隕謂曾參之殺入兮談
市虎而成愼蒼蠅習上其貝錦兮魚日效明月之璀璨

嫫母慙以姱媿兮擯西施之頽婉而自哂蝮虺仇于
几筵兮戈鋌森以刺余目既阮余之庠廡兮又護之
以欽拳低曼睷彼狴犴兮桀血斷而封矚官闐怒以躡
踞兮視將躩踞而矯鵠檻膠蜃以黜軋兮棟屈蠖而鷹
翳縲纒于伏棧以苦余兮仍反接而窘臂耳嘈若
有聞兮何迤迤而怫悞目炯以或見兮佇鏗勿而
復憤神軼氣曾習以潤瀼兮精懂而往來覺塊然滯
此一方兮心猓而增哀鼯鼠淫啜以噬余髮兮魑魅
含睇而毳毼傑品相喃以對泣兮禦糾而呵護般

逮余兮紛虺緊鵬鳥之巢蚊睫兮焉能戢此軀也枕雕
虎以燕憇兮又誰知不我虞也悲時晷之盭邁兮曜靈
忽其西藏微霜淪而下降兮恐瑶草之不芳高馳志乎
雲中兮棄精氣而相佯王喬衛而弗頽兮赤松告余
又荒塘行偶獨日暮兮安放乎不死之鄉橫衝波而
微舟楫兮天吳搔首而振怒歷泰山之坎軻兮魍魎數
盼以當路猿狄蹇以在柙兮雖輕捷其焉去鳳凰之罹
罽羅兮縛菱之華羽抱鬱軫以顛處兮蒼天以為直
戒五嶽與嚮服兮禪河河使聽極咎繇遠以不聞兮

元武違而莫惻何羣神之豐也兮靈炳耀而罔恤夫余
既不能蟬蛻于茲蕪穢兮眇乘風而長驚心結思于大
荒兮魂荒也而上度激青雲之霏也兮飄風回而霽霧
載玉女于後乘兮飾豐露以先路羲和儼以駢乘兮望
舒翥而傲御征輕輶之闐也兮八鸞鏘也以迥步承雲
霓之氣霽兮靈旂繽紛蟻虬乎翠羽挹朝霞以為餐兮
吸沆瀣之精英漱華池之飛泉兮聆鈞天于帝庭素女
涕泣以淋浪兮間絃瑟而伊嚶處妃歔歔以結軫兮潛
咨語而沉情余凌軫虛而佚蕩兮將擊結乎三光撰余

轡而馳騁兮問元化于句芒採三秀兮眺瀛洲之微茫
弭余節兮聊解珮乎扶桑睇南州以凌厲兮嘉桂樹之
叢也召風伯以驅燠兮謁炎帝于清宮何蒼梧之翳靄
兮重華穆以揚靈湘密鱗而靚瀼兮二妃胡為而弗從
決白門以西望兮覲蓐收于金樞氣皓也以莽曠兮薄
掩暎而誰須觴王母之仙姝挾搖池之芳都指玉勝以
為約兮歌白雲以相愉荃既締余以好艾兮絕弱水
而進輅齊玉轂之礮也兮指寒門而並駑軼鐘山之幽
駝兮令照之以燭龍召元武為備御兮勾辰翼乎紫宮

明道先生集卷之五
託鷺鳥為之先後兮問太乙之繚垣靈剏以黜約兮
鳳凰承旂而飛軒雷師礮礮轟礚以震盪兮列缺扇爍
而施鞭護夙員以堪余兮闔吃噁而俾還卒攬涕反此
舊都兮潔筵筭從卜乎巫咸曰天地無隘兮物無終
始變化互渝兮幹流遷徙形氣轉薄兮或浮而沉造化
沕穆兮禍福無門聿性命之難言兮誰知其極萬物糾
以零盪兮又安所止息惟大人齊物我兮以天地為廬
舍搃山州于毛髮兮騎日月以為馬夫有虞之潛厯阪
兮當厯數之在躬夏后胼胝而陟大寶兮季有光于黃

熊震龍聚而夏積兮願駕禍于周庭白魚躍以膺大命
兮劉氏顯而有功奚五羊以自鬻兮由余振于西戎尚
鼓刀于海濱兮仲父射鉤而桓榮仲連談笑以却羸兮
胥重繭而存楚條相后而餓死兮鄭搖筆以光輔墨不
黔以衛道兮孔輒旋而微伍光狷介以自湛兮夷顛頷
而振古大道固無涯涘兮行焉知其所知惟恬淡與寂
寞兮斯貞人之攸居從委命而棄流兮遊寥廓之鄉忽
喪我而無是兮觀泰初之茫七余託蜉蝣與遊兮曾日
月之徜徉忽歸魄于元壤兮又何足傷勉修余之傲服

兮珮芳澤之幽蘭
紉揭車之落英
兮襲江蘿與射干
飾翡翠而綴珠被兮
爛的皪而芊眠
組綺縞而飄颻兮
下結之以隻璠余
媿美而自鑑兮
何媒妁之可攀
夫君眩而弗御兮
亦余心之媿媿
系曰天地溫綸
何時明我欲見
之心徬徨輾轉
懷憂祇自傷
超軼絕世窮大荒
帝極洪洞不可量
緘悲歸來卜巫陽
勵志肥遯含大章
獲我所思樂無疆

壯懷賦

并序

黃忠端

余幼落拓不肯斤斤作俗士
面孔長逢數竒歲月

漫漶壯懷未展每思往昔豪士
縱神所往自許必遂
豈有跼蹐蝸穴中碌碌此身取
易水既渺壯士空歌
翔風唾壺尚在老馬忍甘伏櫪
曰感而賦焉

渺上七尺有軀與質為隱為現
同歸于息惟神獨往超
世獨立能汗漫于九垓兼馳騫
于八極高歌與鷓鴣比
翔卑亦不與雞鶩爭食憶昔楚
有二胥一覆一復去時
矢盟別後自戮或就蘆中而覓
津或赴庭而痛哭途
窮而白骨筮師出而封豕逐若
夫會稽囚臣伯越亡吳將
麋鹿兮蘇臺乘烟浪兮五湖
變鴟夷兮遠道笑獨錢

今何辜若乃咸陽鑄金胡亥踐祚傭耕養鴻鵠之羽戍
卒築鯨鯢之渡揭竿斬木社沈廟墮長城遂傾阿房非
故若乃蘇卿漢北一雁孤飛聽胡笳而情斷望隴雲而
魄馳見節旄之盡禿寧甘心于乳羝謝朝露之啖言噉
旃雪而何辭至如寄絲桐江混迹羊裘漁唱舟晚釣石
蘆秋領浦口之風月辭麟閣之遠猷星已分于客帝貴
不辨乎王侯至于祭酒布衣投筆而起繫馬于龜茲部
下斬首于烏孫帳裏諸蕃匍匐稱壽都護端居自喜玉
門回轅定遠開址或乃少年健兒別妻從軍擊楫中流

之浪請纓金馬之門鳴劔則蛟龍夜吼展旂則風雲書
屯乍棄繻而出塞忽奏凱而銜恩或乃炤藜書生上花
辭客歌叢桂于小山賦長楊于鴉鵲筆精墨妙神驚鬼
泣賣賦皇宮藏書石室或乃成仁志士報國孤心舌能
罵賊血可濺襟嬰城矢石之衝厲聲劔戟之林山河震
而色慘風雲蔽而回陰或有信陵義魄朱家俠腸意至
鞭石可橋心許投鼎何傷符竄而晉鄙推髡鉗而亡命
藏卒能脫邯鄲于虎口守季布于淮陽自古及今莫不
有落上之豪懷英上之氣岸吞河嶽以為雄貫星虹而

獨燦若游魚之逝淵而犀然莫窺若鷗鷺之橫空而風
高獨戰雖劫燼而不灰至海樁而不變僕亦壯人壯懷
未隕木經霜而愈堅劔礪石而不損願蹠躩于天衢乘
長風于一瞬于時揮就鸚鵡飛動江關勢驚鉅鹿之軍
氣壯朔方之垣女媧之石天補魯陽之戈日還其漂疾
而難禦也如廣陵之潮其嶙峋而莫躋也如峨眉之山
携夸父之杖而太陽可逐乘博望之槎而星漢可攀南
則柱鑄交趾北則銘勒燕然爾乃掛梅冠解䟽綬結茅
屋穿石竇尋素心之侶鞭達生之後相與風清垂釣雲

深採藥買青山而招隱覓孤舟而放鶴晝吟離騷之章
夜談黃庭之略訪禪支遁携屐康樂林不厭深流不厭
濁思尊羨于千里問旨酒于下若目前不必問天餘生
亦已有幾窮愁是述陋彼虞卿孤憤著書是卑公子吾
黨如可披心為道壯懷如此

篇末方孝維橫跋之石福

明文海卷二十六

賦二十六

述懷四

大游賦

祝允明

餘姚

黃宗羲

編輯

允明以宇宙之道于我而止矣渾鴻包之萬象條之三
 五肇構于其先宣尼摠齊于其後君建為極臣成為業
 士治為學民遵為世隨其時也易曰拘係之乃從維之
 王用亨于西山允明時不自立身名隨人拘維將老而

神明中亮問學外廣有無之際三五宣尼之所營蓋嘗
冥訪其間焉斯用亨之利也暇日叙之為大游賦可以
垂語千載焉爾夫何恢慮之大人兮羌縱觀于域中柯
柘櫂以為車兮畢妙制于輪工建六等以道遠兮職三
材以行空既軒之以華鞞兮又積中以堅軀招鈴且使
附輿兮龔鹿鞭而右從帀九圍而窮轅兮旻章亥之有
終跨回渤以修征兮隄華封以臨戎左賓賜于二桑兮
右嚮晦于三春前炎洲以玩鳥兮朔幽絃之夢亡耳鞞
象其支朱兮胡旅鎖于蟲封悞皇盤之下繼兮中六圍

而作宮命旋轉而內歸兮攬覆載之所有葳蕭稂之被
壤兮蕙芳蘭之不茂喬隰榛與山樗兮斤文梓令速朽
獷羆豹之奔亡兮藐麟虞之在囿四鵠鵬之啾啾兮梧
不集其鳳鳥夷高岸為深谷兮堀堞礫以為阜翦珞學
以圍樽兮童丘隅俾不茆晚洪河之橫怒兮恒襄陵而
汨宇汹漫恚以吳徙兮數失邑而病漕懷神功之難續
兮惋夏蹟之非舊帶衡江而修截兮判二戒于左右聯
南濱之百蠻兮蜚千泉而下湊亡晝夜而建瓴兮瀟交
注于揚藪漭散衍于三江兮赴伯若而為湫瀦始涖而

繼湮兮瀆汜濫以妄走蹇重咽之中楗兮焉執咎于授
受慨青灾之歲成兮碑碑震于吳畝蹶沮洳而莫遣兮
耘十千之維耦驅元黃以高驥兮循中原之舊服畫州
邑以星敷兮散曠土之沃上邈山川之遐隔兮空千里
于一矚憶先王之位天兮經九井以為國掌地政于司
馬兮詳同成而澮洳樹萬里之基楨兮厚蒸人之安宅
固君民之比輔兮食無為之帝力塵諸聖之造述兮與
世期而亡數何秦孝之顛暴兮益衛鞅之薄刻始必墾
以阡陌兮繼稅人而蕩濇坵坤元之綱紀兮勢一剝而

弗復艾日時以苟為兮優彌古而偕極魁蒼黎之增
兮操千百其品倫伊四業其各守兮剗百役以駿奔恫
窮筑之顛隕兮憎惰游之猥囂終戕之以究賊兮樓射
贖而食人痛九夫以征穀兮餉凶餘俾悍淫捐田事而
不男兮競逐未于錢刀集千姦以為利兮網無恤于戚
曹攬泉布而操壅兮靳濟物于一毛鄙逡縮于牧窟兮
苗驕戾于王侯工不度而作淫兮聊須庸于斤陶皇天
生此元上兮惠司牧以大君建萬邦以諸侯兮賦官士
而臣鄰寧一夫而非農兮而戴履于乾坤休茲辰其何

時兮農八一而僅存八民一農一農飡饈蓋罔稽田兮畷曾弗得
 以食新均含氣于化育兮哀細人之特勤予既未穀于
 道邦兮吁釋錢鑄而被此鞶紳氣紆蔚而不解兮意周
 章以交馳違巖野而即市兮求化理于官司闕訟堂之
 佻亡兮副萬子而榜笞大夫驟騁而蕉萃兮不得知其
 所為輿胥五百桺干獠兮引羔豚而飲之檄齏磔而槩
 運兮格辰道而申齊士呻痺于饑輓兮伍病空于俾垂
 悃四方以晷磬兮甫焉得而驩熙操餘艘之蒙衝兮晨
 橫江而西游扣曾城之九重兮闕皋應而疊五印天京

之鼎立兮頽絳闕以崇鶩欽萬域之攸則兮拱北極之

星附戩三殿以中嚴兮奉天華蓋謹身轟濩樓之夾輔文樓武樓闕

椒闈之沈肅兮峻丹陛之複護列八屯以周廬兮離干

曹而張署啓巖閣以宏文兮宅大訓而稽古坐考成以

寅亮兮諧密勿以釐務歲法筵以尊師兮訪道揆于墳

素倣明堂之法象兮裁靡代之踰矩近堯階之三尺兮

削漢宇之萬戶廟四親以致享兮宮崢嶸于左祖右駢

祠維太社兮同先稷而為伍毓儲聖于青禁兮昭英華

于文武文華武英二翼殿觀靡究于中秘兮規載考于庶府張

明文海 卷二十一 四
五督以結兵兮，眎六官而開部。廣通政而給諫兮，謹臺
察與大理。太常典厥禋祫兮，宗人掌其圖譜。謚翰苑之
閑清兮，都成均之緝撫。守信玉于符臺兮，顯筆削于史
注。欽天審其歷象兮，大鴻傳其臚。司光祿精夫玉食兮，
僕馬備其徒御。條萬幾以緝襄兮，錯羣工而牙布。沛周
詳而章徹兮，互責稽而隸備。奕神祖之開業兮，濯神宗
而善遷。為王賓以觀光兮，遵大路而北轅。歷揚徐而齊
魯兮，趨豐鎬于幽燕。瞻帝居之際天兮，服王心之所甄。
葵啓承之有道兮，蓋同經而異權。屹高皇之奠鼎兮，介

哉格乎淵算。承乾休之凝注兮，撫坤輿之饒瞻。執天德
以守國兮，豈徒防于天塹。來百壘之賓王兮，會諸侯之
覲獻。炬文宗而上從兮，扼荒或之突踐。居高屋以尊臨
兮，繞衆星而北面。提四外于有截兮，眎奉時之英見。賈
鴻仁之積洽兮，熠光重而象宣。鱗百揆以具張兮，轂皇
極之中懸。職工僚其偁兮，稟成憲而周旋。惟張弛之
殊科兮，深忤惑而眩悅。殆愚固之莫僚兮，絳有幾于似
先。山臣銓草樹而牧麋鸛兮，焉能覘其韋弦。匪余位之
所謀兮，噴奚煩于莞言。思況潛而內求兮，愴將歸乎故

苑繫佚足于管限兮擗鴻芬于楛簡
聒萬夫之交鳴兮佩六編之神典
探經邦之遠猶兮察庶政之奇變
逮長古而周歷兮該千岐而綜練
勵勵迹于滔天兮抽幽緒于獨繭
殫精誠于至思兮肩无象而諧券
情窅窅以修况兮志強毅而逾練
遄上升于至陽兮曦皇人之垂見
發秘鑰以授余兮發炙筠之元篆
吟微辭以啓排兮歎樞栝之精雋
忽不悟其所如兮肩儂佃而篠旦
宓閑闕而函光兮幸韜聞而滅見
散神明于空靈兮泳皇冲而教衍
兼萬化于芒機兮統三極于一貫
識天人之燮成

兮假幽明之互贊寤道器之相咸
兮歸有亡于亡辨漸歷聖之繼天
兮討干文而同鍵杲曜靈于永宵
兮齊受法于皇旻承皇命者犧兮
始拜受此元文九穹無言不爰道
兮勅地寶以龍呈栝五十而有五
兮時大道之靈根五相得而有合
兮成變化以行鬼神觀穹文而祇理
兮載取物與諸身爰立卦以生爻
兮用四尚而成萬營居觀玩以既得
兮動假筮以質成橐萬化以鼓舞
兮漱千妙之幽源崇守位以財成
兮織出入之絃員洞生死于原返
兮了情狀于游魂冒承燾以彌綸
兮貫異同于

千門逮農軒而顛譽兮迭奉帝而詔人曰龍鳥與草木
 兮依水火而風雲備物象以周世兮拊養本于生民代
 泰穹之何言兮睟神心于三墳司重黎于二正兮構貞
 歷之四分唐欽昊以授時兮宗歷象而三辰虞絜齊彼
 七政兮在璿璣而玉衡原欽明而被格兮址時雍于睦
 親粲重華之協帝兮終命位以升聞恭垂裳以無為兮
 魏成功而莫名扈文命之神靈兮默取道于清元奠山
 河而再造兮相天地于成平帝重錫用元範兮誥龍龜
 而眎敷舒九章以列對兮妣乃第之以類成邁殷周而

密界兮令箕武以載申揭建極之元則兮握天人之關

鉗援神器以設教兮假泰卜于歸連眷岐封以下鳳兮

勅尼泗而來麟三聖演翼夫義畫兮文王周公孔子旦疏官而

盡君周官亶羣經之自聖兮以時差而錯出孔完天以摠

聖兮萃整齊而立極道有本末而著微兮本微既其在

易張末著以長世兮諗禮樂之為急誠修身以御家兮

宏治平于邦國作人備乎儀文兮宣和興于樂律稽典

疇而作樂兮耿二史之布策左放墳丘之眇綿兮綜唐

文而姬歷晒嘉謨與大猷兮心偕事而錄實闕刪述以

詔來兮立型模為永式體二篇以樹本兮用四典以示
則二篇者易四張人綱以持世兮參成位而撰畢世惟
典禮樂詩書尊而勿渝兮酬天心與聖職冥弗由以顛齊兮教乃廢
 而代汨聖何道而援若兮憑不位以敷德掇侯史以衛
 經兮勅予奪而作格尹天明與王憲兮準賞刑于霜筆
 三代絕而世變究兮六冊具乃聖功訖理與事而偕著
 兮勸交懲焉縣植以為治以位天地兮違斯亂而乾坤
 熄孔既翦齊乎千牘兮攬綱要而綴集愾漢武之中
 興兮業燭孔而均績蒐獲僅于百篇兮訓終代而已

給云理道其亡垠兮亦庸傷于多逸書枿缺落于完籍

兮咨三簡之不及儀周小戴三禮何長息于逝者兮摩存緒而

弗繹抒人情以合化兮亮聲詩之為特悲忽亡以永昧

兮聃天聰于瑱塞暇律天而襲地兮睽憲章而祖述此

還謂今維天地之為大兮代天言而不息蒙遑克以辭

贊兮代奔走而靡數迄作息而微顯兮咸由戶而出入

考羣聖之攸作兮罔非天而自隲嗟顯微之故庸兮覆

相質而弗忒普含生于兩間兮誰違天而已立感微賦

之有聞兮懼白焚其髦習拊修辰而暨寄兮矢乾七

以永訖泉千氏之攢叢兮助馳蹏而翔翼覽諸師之襲
述兮披衆聖之膺臆苞鴻纖以條疏兮弗衷表而協一
適滌漢以游唐兮惠畀受以綿密考靈無示乎度躔
兮睽焉察夫天日被賢恩如面命兮苛父仁而焉域咻
後者之剽贅以沿茲兮吾將暴諸同心而未覲彼固自
為至一兮謂精義之我集泯前修之夏業兮迹深扃而
固匿何斯今之膚獵兮愁捐甲而逐乙頰高皇之垂誥
兮酌交從而無僻詔士治經用古注
疏與某傳說云羣生曷靡亡乎顛
視以奔時兮敢背祖而妄執寘聖謨賢教于公擯兮趨

胡悍而胡逆疇鳴閣以一匡兮擗千載之流溺歲悠亡
以隕頃兮洪章殆終乎罄滅聖乘時以施化兮賢隨時
而成謀誕憂樂以行違兮肆有用而亡求賤將五十而
服政兮撫往日之藏修辰其息而亡悶兮警將放乎大
游擁良謨以匱韞兮并消搖以夷由擎千業于一函兮
諒奚之而不優出遵宇而遵塗兮邁九躔以環流駁一
日以千里兮快崇朝而九縣指河冀之上領兮隱嵩洛
之中壑鈔三五之更都兮應元樞而流建則乾元之用
九兮敵海寓之疆甸大畫圻于方州兮細規土于井田

烝哉先王之宅中兮憲井牧之攸便悼荒泯于周桀兮
 流一潰而亡返沈余慮以構植兮撫餘規于漢彥籍民
 品以有定兮括肥壤而制限定永業于口授兮分授薪
 以購羨縣百級以酌授兮人無食而不佃井田不可復請為均田盡
地乎賦三道立田制為三科每科為三限五十等百級
自五十畝至五千畝也九一民不得過一科先過制者
籍之禁毋得更市田以其羨為待兮平易二法待兮者
分其羨于餘口及通籍凡官民無田及少者酌授之而
歲收其入之半為價償故主足則已或能
頓償者聽自籍民品以至此言均田也
 民兮易中原之隙衍每縮析而羨授兮足牛粒與舍
 廣稽十秋而合貞兮廿有一而始斷平易者取其十則
易償以中原西北

隙工十有五并牛粒廬舍凡二十乃分其口令往懇歷
二十年而其稅足然後征其十一永不加益自析羸至
此言盡地也
 既均田而盡地兮乃平賦之有漸都一郡之稅
 額兮摠重輕之原版駕履畝以周旬兮核腴境之實算
 各斟酌以損益兮為新條而升殿第融紐以少均兮摠
 無減于舊貫既不縮夫邦計兮庶重負之微嘆自理郡
 乃通藩兮究海內而普徧若明工后之牧宇兮更審地
 而制典租必當于壤力兮居中正而永奠此言平賦天
下賦半東南

今賦特蘇郡極重民皆痛賦不當田又偏重緣以王制
不敢易請融紐之如一郡之賦四重而六輕并為十分
乃覈其田腴幾何瘠幾何隨以定賦損之益之以摠足
于舊制之十則不縮國資而賦無偏重又以是廣于他

郡又廣于藩省以通于天下然少乎尔不當地之輕重
若能請夫上更隨士以定額始為中正以上三法具見
祝子通此所陳乃其粗畧爾急東南之倚重兮最水利之難善偉高

平之所列兮足紀綱夫羣辨范公劉條宣歙之上流兮

濬百瀆之聖淵宣三江之故道兮堅圍捍之防堰癩白

茹之海咽兮越百川而吞燕病雄潮之日至今兮挾塗沙

而壅填非時決而歲別兮道奚出而不汙述民勞而費

穰兮役頻興而婁胥顧斷疴以有瘳兮而却藥之瞑

眩茲譚固詣理叶務兮又焉睹夫物狀之繁度盤孟

之有稱兮道中卑而表淺謂吳地與江平其間田沮

又有更下于外水者

如已膏腴兮欲夷之而且戀

悲猶惜潮淀為田者亦利官民是亦一理然猶害多

益撤梁而斬荻兮揆亦非潦疴之專驗

如撤長橋刈荻葑至欲廢吳江

縣恐上流非盡緣此而阻若阻此獨病橋上田幾何許耳水既出橋雖少緩焚不全阻安得專尤之

循諸貌以發救兮又豈一端之已辨救術獨統夫宣防

之二歸兮在交施而各殉穰衆瘞以叢軀兮醫易弗周

詳而異按長河滔上而東駛兮劍怒嘯而橫濫夏跡漠

其非故兮洗亦不恒于一荐術固率彼其二歸兮亦與

從不超于三撰相時宜以各庸兮殿亦斯其樞捷廣征

輸與允漕兮擬重陳而歎倦

征餽雖敝在隨時酌究此不詳既奠北都此不可易

官斂民以藝賦兮傷哉冗或踰時踰禮謂名不正者憾牛毛于

先王兮又安能一切而屏置率土殫供正之願兮誰將

不恭以沽戾憾綿肌之殄瘠兮而剔剗以無已嗟五材

之給世兮出與沒宜相視彼濫耗而潛匱兮願不與司

存之計謂不經之費戶部傷財既莫由斯兮責求之而不得知之為行止

獨委傷財不全由養兵及土木等事必自有在版十稔而審易兮徭一霜而

均制四法良而情隱兮職競人以舉替業春陵而秋谷

兮能錙察而銖諦切考心以仁公兮子殆少于偏蔽悃

存用于智數兮神鈎察于聰慧拱默化以望孚兮蔑茲

途之攸貴齊民生上大校兮凡農桑之歸二丁不足準

兮田亦多昧丁或少而雄多田多聲而鮮實兮商態錯

于內外田有瘠肥稅復偏重商有肆華實薄或惻賦與

工之加惠兮從或董之王吏征余駕而流觀兮觀懷生

之違上明王厚下安宅兮類四族以為邦牽冠領于士

儒兮曳尾夙于末商雖博上其異寺兮貞萌上之天良

譏異世而殊道兮荐多門而分張繁昏徒之蝟蒸兮裂

兵農而別行悵庸主之失馭兮魚不麗于王網昧邦本

之逾寡兮綴冗雜而日昌閔四窮之無告兮憶三游之

陸梁焚汨蠹之旭上兮鼠化虎而羊狼伎乖絕于人道
兮曾何有于天常余蒿目而傍晚兮孰同淚之淋浪認
同類之乳育兮寄食貨以為生古君王之子民兮廓一
視而均情制生食與裒散兮揮羣柄而不頃自彼君之
繆術兮務姑息而倒衡算工車以為利兮崇婦臺之懷
清商交農而獲厲兮末顛本于不平悲歷國之臨財兮
每剝下以踰羸賊哉安石之聚斂兮詭士術于王經謂
官茂均田以建本兮僥垢源于流激匹公姬于仲鞅兮
企仁周于暴羸俯后民曰均利兮實胥戕以互蓄戲既

無克于迷復兮盍先取于無名走中原為治亂兮信珠
王之不脛持大道以生財兮皓千古之聖陳慳氓斯之
已憾兮日盪氣而涸精弗少拚以叔隸兮任嚼苜以無
生彼多逐于商末兮咎移之以秦兵或徒食于釋老兮
武籛養于來庭嗟何有于二教兮牝頑冠與穢髡惟玉
食而海富兮烏有尚夫並耕鉅創至濫以冥輸兮時有
在而靡懲所在情見後疢子之乞人兮彞有政于周矜眇窶
甲之微限兮如來者之日增一是蓄之為養兮備溝壑
之不盈簡大夫少強力兮莽閔柝而牽征資官殮以免

巧兮婦給衣以妻軍

取巧不廢者什伍之代挽緯率婦可與人處者補戎妻以購貨半治

衣衾半給 通 泪流 享之 瘰積兮 勿容視而 庀營至即團以

為戶兮 給廩飼以為恒 移土邑以財輸兮 吾特為之鼎

鎗

移文流草本貫令以財來廩

綏漸運以交折兮 一仁視而不病苟

客者之過繁兮 著吾屢為土氓 憐汨治而戕天兮 所鉅

寂惟民螟 攘哺嬰之微餐兮 饑饉夫之已登禽郊牲之

肥膺兮 糞羣逸之蒼鷹委精純于塗泥兮 虹邦產于一

粵沓 伍亡之 蝮虺兮 吾何舌以指稱

此子通所謂汨蠹之民前言賦財二

端故及所 皇威無崇而必誓兮 震乾剛之剛 訶凜岳壓

以霜殺兮 烈鉄鍼之馮陵 慄神令之赫迅兮 驚歛電而

轟霆蒼寇賊而姦宄兮 迨汨蠹之伯洵 孰承天而法祖

兮 屠羣承于一鋒 撫桂苻之日繁兮 欲屏戢之焉 從聖

訓止于不欲兮 賢獄市以屏容 予其懲而猶異兮 有殊

初而同 終於狗鼠之偏 餒兮 怒獍梟之鞠凶 先釋苛于

歛徭兮 遂嚴致于搜窮 必宥過以刑故兮 苛刑罰之為

中坦大沛于潛竊兮 劊姦殺之惡 雄勿參差乃絕判兮

皎冰凜而曦融 省橫池之披猖兮 舉兩初以為萌 懇原

情以審勢兮 慎蔽法而即戎 戢反側于招綏兮 肩凶渠

于大蒙報怙虐以洪威兮與捐苗而芘螽須慎察而
 痛剝兮裨皇穹之仁公王古者之保邦兮作師旅于
 于地水茹容民以蓄衆兮田偕武而興制垂列國以交
 更兮之秦鞅而大戾后厥時以逾遠兮碎捫裂而為二
 醜顏波以下注兮寧能返乎涓澁謾譚計之諸仁兮僉
 傷養于大費亮先作之叵復兮焚後述以多貳恒熙寧
 之保甲兮校拓跋而猶寔微因損益以張規兮亦善謀
 之亞誠采材官于漢矩兮掣府兵于唐載躋長源之
 嘉尚兮擷雅圭之美議唐宋李韓二公重時募而精教兮乃

要切之至最窮虞夫謫戍之永終兮拱甲令而文致法

常墜于茲久兮即三五而須異異者蠢匹夫之麗辟兮

將不宵于十世遂至無窮豐廩養之長糜兮且望深而感細

况懷土而迫窶兮由竄迸以川潰遂益之用核迨兮煩

鈎攝而部遞紛張官役徒以擾仁兮日馳驅于四海實

惟益薄而損厚兮宜亦天謨而請裁萬幾數求言以罷

行兮曾不狂夫之為辜非犯忌而亂成兮謂効忠而襄

治既未荐乎野謀兮敷公仁而從事軫鄉思而甲蟻兮

懲抽力而誅賄完家室而固志兮周粟帛以強體時畚

土以休容兮辟賂免之姦急拔私徭之長痼兮襄侵培
 之積穢故雖小而必刑兮兵無伍而不次挽干漏于逸
 果兮剔百門之宿滯力訓閱于往圖兮帶財蒐于儒吏
 揆張皇之宏要兮知亡踰于簡帥祖仁義以為質兮厥
 楨之以勇智律經籍之典訓兮研歷史之成敗厲瞿
 之廉節兮佗矯上之直氣勤步伐于苗獮兮豈臨機而
 尋藝推請論于司馬兮命畀簡于宸扆論必斷于援昧
 兮斥浮聲于柔蕙者授鉞而推轂兮勿參之以弟子軍
 容何為往監廁兮嗟乎李趙之階厲將攜壹而債克

兮夫焉有于此係覈諏研于績敗兮矜賞罰之昭晰彼
 屠降與殪良兮兼粥級之作偽偽多報級數毅戎昭而不弛
 兮飛蕭斧于誅刈毋徇免于援議兮必姦絕而良勵銷
 枉毀于貝錦兮破滔謗于珠苾熊虎毅其六師兮魚鶴
 輯其七萃務貌識而音別兮啓閑練而秉義悛強足與
 密代兮直寄命于童戲謂臨事募不精實苟用充數與私情代行媵姦宄于
 中邦兮衛天險于邊際林建國而所民兮虔有懲于職
 方藩周飭于隍陴兮垂堅密于閔梁崇函夏以立道兮
 隋百代之大防訐天王之集統兮越歷古以包桑樊封

取之峻截兮戒勤遠之否藏頻迴譯于異貢兮只收誠
 于來王事見祖訓宵包羞以醜女兮焉自殘而割疆無歲賂
 之坐凋兮有互市之交償鑠皇代之神聖兮跨振古而
 無雙擘神祖之清漢兮恢王威而四張燭簡任于干城
 兮專權力于鷹揚弗牽肘于彼夫兮譴賤得而姦防為
 恟士之無實兮猶舖饑而搯吭目衡瞎以八燭兮迴浩
 劫而未央愁遐萌之繹亡兮附九埏之芒亡徂日用而
 莫已兮串出入以隨陽憲亂眾而治寡兮喑樂矩而憂
 長念蚩亡之錯產兮不越茲以成邦愴美惡之必兼兮

謚獨藉乎四良噴茲良之自植兮竦素履以獨守每自

彼以戕陵兮歸帝彝之固有相斯辰之攸賴兮祇俊髦

而峻叟毗既瘡夫不井兮晞三法之或救三法即井田
盡地平賦

尚稽實于征輸兮還微息于頻殍恐二子之終夢兮虞

和緩之懷手蔚大氣之紆蟠兮壬胚靈而降秀顛蒼惠

錫夫后王兮君成之子黷校詳養射于夏殷兮具司徒

于周教帝首出以廣運兮幾新邦之綱要舍賢能而安

藉兮投碩材其安構渡長江以整旅兮倚干戈而詢道

築禮賢以館傑兮聘名哲而探討及鴻圖之懋建兮夙

教士以有造溲辟雍之湯也今溥侯類之浩也範端嚴
以恢綴兮思周微而懇到日成賢以為期兮憶羅才而
畢考藹思皇之濟也今聳周楨之廣效其在今之司存
兮漸郵委而同眇眺儒堂而聞其兮凝沈也之半沼籍
東閣以停披兮琴絕絃而歌操填胄省之青衿兮日聚
散而三造俾庠黌而率由兮亦胡辨于土隅之淫廟獨
糜財以備聲兮疇蒞牖之為了凍法意于餽羊兮名將
實而朽鑿崇術四而尤餘兮僅偏誦其邇小辨曾患乎
先藝兮茲并藝而草也幸王國之克生兮士不乏于覆

疇業每樹于高遐兮履亦周乎末杪彙駭牝而如雲兮
夫奚失得于樞阜嗟也吾黨之徒兮要賢聖以為期放
四科而八行兮舉六藝而百家究學問以思辨兮劬仁
行而寬居行成物以博濟兮卷善道而遯肥通天地人
以稱儒兮贊化育于元微國縣斯以求媾兮士執應而
登之學由循以成士兮教率章以為師時與道有違行
兮台詎隨以推移伊蝸蟻以自細兮胡不輪治而駟奚
初既育乃后舉兮儻科條于隋唐務拔萃于大公兮倍
駁立其周防索理性于經術兮故全畧于文章方政事

之需試兮策時宜以多方為程寧弗良盡度兮逐有司
 而淑涼來薄海之彥異兮危尺戩之莫當予歷觸于禹
 穴兮胡鼓尤于鯨鱗余有貢舉議大旨若此 迅賢豪之絕羣兮
 挺堂上之贊皇麾時科而弗即兮喻龍媒之越行洵愛
 駕之不種兮聳萬夫之攸望鄙負羞于大人兮空趾壯
 而心長進而遂而前却兮淡胡乎皇仁矚時髦之升庸
 兮燿勳華而頡頏保霜蹄之超驥兮後何有于王良
 羅目千以得一兮先民所為悲傷羅以多目故一目得禽今為一目羅則安
得士本古語王通亦稱之 睿謨固經于神運兮勿拘梏于尋常彙

小大以兼收兮悉側陋而明揚層百材于場師兮共京
 構于明堂掄稅楔以畢良兮粹豈獨于柱梁以周完而
 大壯兮庠備具而豈康害超寺以異懸兮擢萬羽之孤
 鳳或科存而弗舉兮徒惋遺于眾芳為國惜才何人斯
 兮謨罄畢于鴛鴦鱗甲乙于一班兮可百年之短長何
 斯據以卒躬兮信輕軒而弛張上既馮以升沉兮下亦
 自為摧抗坐弊日以淪胥兮叢倖望而縈妨望怨尋世也
 科之有無兮與第差之低昂鑒才出之先後兮及卷
 舒之靜庸孰失得以饒不足兮孰隆汙之存亡隆汙謂美

有無也 爾其鋪觀而平角兮成效不其已彰繚庶位

之崇卑兮環中外而周設尸修政以立事兮並陳力而

就列今視昔以異宜兮沿與易而殊節祖建典以官士

兮掄時宜而章別多率舊以監成兮掖無期之皇業劼

兼山之止位兮臣何知而嘖喋想拱職以繆綢兮熙庶

績以咸凝唐虞和于朝兮廢元首而股肱昔秦人之僑

亢兮儕百辟于倌倌後秦胥以沿洞兮且肅體而諧情

貌隆坐接兮呼莊君卿塗黃還命塗勅繳兮席前日

征目崇庫必詞兮揚抑告行皇王建設兮簡要以殿殿中

諱守官而罔道兮愚深昧于茲評王用道以命官兮官

將道而為命蒙夫昧體而守支兮直置道以徇名逾追

勢以滋顛兮偃齟圻而拒撐交隔盪以無通兮不相謀

以相能臣殊僚而一政兮肢連體而析形成左趾以將

東兮引右奔而西脛各稱官而罔道兮烏不病殘以殞

生宰萃士而一命兮粗因科而下上既蒞政以稽績兮

復何初以為量年疇力于良庸兮才奚由于耆壯木不

谷集而郊韡兮材將鳴寃于族匠非祖宗之盛心兮臧

後時之膠狀假三五揀斯方以舉錯兮當亦迷八四之

直枉八凱何莫峻登其異傑兮年序以餞夫尋丈僕筆
工以醫傭兮濁銅鉏而穀養汗王章以燈緣兮誨邪陵
而貞障猥膏紉之流蔭兮偉漢疏之直諒王吉請除
任子法

縱故襲之未革兮又何弗涯于漭沆凡斯亦不局之貴
兮非清波之都喪非盡無
清流也聲復侵夫無擇而無止兮

益皇涂之決灑聞方人之不暇兮識野求之無讓將循
位以求理兮匪稱人為標榜槩焉名襲而任別兮姑試

徵二三之改尚公孤寵貴以年登兮未或倚其燮亮用
為
九卿資
深之寵寄甄鎔于中相兮獨調衆而極病天曹天下

之才庾兮無暇遺而倖調懸鴻鑑以八照兮能薄號之
故妄基邦本艱固而易廢兮盱司徒之斯仗黨耗國之
職思兮拱三緘而不創懲
創非睥睨于竭澤兮哀株守以

循罔祖議禮以作制兮網維誕其貞廣豈科條之無俟
兮虛百年而亡訪俾哉今之為政兮執邦刑以不與惜
死法不死情兮殲十九之國命抗儒抑法誰為異家兮

腐生迷而弗講豈三尺難求于六籍兮對刻木而愴恍
世生才以為士兮才弼辟以親民顯利用以成務兮幽
履道以媿身靜庸兼維天之命兮士也允三才之珍偏

有才而善用兮聊銷慚于宦塵守罷駕或不肖兮世
何罹而尊親彼斗筲仕以為己兮用以學而為人已富人
求民何仗以為長兮后何藉而為臣噉予固艱夫欲議
以卑俯兮亦譏此不尊而弗諒急心亨而道塞兮且綿
亡而斯往庖人不越乎尊俎兮陶師握其范模作者熱
其亡為兮藏山澤而為癯余懷靡得于斯兮求斯人以
為徒去城郭之垢氛兮嫁岩谷之鬱紆漫陀靡以豁廓
兮藉芊綿而周遮岑峯嶽而謫鬼兮流澆涵以趨瀦儔
貌廢而騰伏兮連庚乙而几亡絢時榮以繪繡兮憂鶴

狃之笙竽聞無人乎崖竇兮鞠幽求而單居末寢食于
皇區兮安平康而樂分綴聲籍于士舉兮足瀕申而猶
遯懷君恩以無爵兮漸魯子之葵閤抽長沙之太息兮
夢宣室之宵問敷前聞于沈臆兮瑕婉約而莫盡功必
一于天人兮理不隔于顯隱通千期以一契兮右皇靈
于無泯真明王之天造兮蒞日中之豐運塞王猷以登
咸兮丕重克而襲舜學無恥于不穀兮尚席珍而玉韞
若木不示于世標兮神鳳無諧于塵韻天錦莫覓其機
杼兮媵三籟而微引先素王之昭誨兮蓋二方以容世

謂初道而繼齊兮有政刑而德禮上焉恥且格兮亞且
免而無恥明良誕務其至今烝率次以仇七并殄殤以
詩捐兮稗人注而時否政刑洵異夫今古兮緒言無庸
以究齒德如毛而鮮舉兮禮司存其議擬俶鴻濛之已
渙兮佑作聖以君鄙大人後天而奉時兮悖五典以為
紀楹三百以為經兮疑三千而曲致摯元功于贊化兮
全備體于唾涕措萬品之手足兮秩其紛而壹貳衆高
沈而彊燮兮參音森屈砥而柴麋竇一扶而橫趨兮倏滔
天而洗漬非因情以植則兮溘焉一而焉濟啼失德而

信薄兮恐謝嘅于周史荒哉庖訐過乎標枝之不還兮
將非禮而奚以禮陰作與生俱兮樂陽來而儼啓聲容
達而生神兮體音漸而死鬼肆犧媧迨姚姒兮極陰陽
之文理裁衣裳以吹匏竹兮熙殊造而均旨柯出梯以
為華兮毛傅皮而成美奏至治于雲池兮盡物性于宮
徵遠盛皇之厭世兮寓大柄于遞位雜狡童與昏夫兮
隕王彘于裘委姤何別于芻靈兮冠裾具而亡裏維禮
綱于五端兮吉無先于郊類莽欺天而侮聖兮軾輦申
以傳會唐既蕪以並配兮宋逾淫于救賚設有妾于祠

衣兮位有汨于祧祧

以上言前代郊廟之誤

家庸行而不知兮曾

無違之能幾猥趙氏

武靈與北代

拓拔魏高齊宇文周

率沓亡而泄

亡通相尋之不已兮騷增尤于九圍非穹皇之命聖兮

疇撥亂以勇智祖一匡以再造兮駕百王而絕儂篤父

子以孝慈兮協周文之敬止董百官以為朝兮截冠舄

于首址肅大別于掖壺兮斬收承之顛穢固前星之繼

明兮郁青坊于繼體羅九服以樹屏兮藩不億之其麗

釐羣臣之淫號兮叙百辟之規第推文質以四達兮布

方策而漸被蓋郊廟之大儀兮時乃定于睿志馮三重

而建制兮曰非君其不議倘時命以下詢兮嚴丘澤而

故事象雷豫以張樂兮荐祖考而配帝侂權輿以成德

兮善武周之斯倏還昌期而情愒兮抑將順之能怠較

民用于茲辰兮總一合而百戾胥濫越以敗矩兮淪逐

欲而鄰戲誅輕重之木權兮誑僭陋以交昧委筋力于

無情兮擗貨財于空棄儼衣冠以臨莊兮况大君之斯

侍端章甫如會同兮可非喪而去佩詎公廷之為燕兮

褻長裘而蒞視噫人服之不衷兮奠孽亡于卉毳玩窮

狄之盈冠兮惡衣妖之怪忌殺室舍以什四兮苛眾歎

于一蔽余既未聘予上國兮望王懸而不耳過閭陌而
或聆兮闕緇黃而倡伎亂一雅以萬鄭兮桑四戎而錯
厠日作息以震驚兮駭律呂之鳥寄嗑六合以恒瘖兮
疇九陔而悉曠八門張而何風兮四時行而何氣雅烏
噪于晝日兮鸞鷲翥而不睨願穹輿之定位兮礮風雷
之鼓吹庶草木以有條兮噉蝨蟲之吟唳僑仲佐伯以
尊王兮使其民而有義臣何望于今堯兮不觀興于茲
禩王乘龍以中立兮治六有于鑪輔根人綱而植初兮
落有家以倣載簡姬姜之世貴兮愛任姒之徽嗣述閔

睢之窈窕兮論鐘鼓而樂只貽銑鏞以前却兮暢迭御

于眇眇親郊禘以降乙兮儀姜嫄而芾子擇周宗之妊

傅兮拜后夔而教肆密緝熙于光明兮斲刁牙之侵嬖

扞干邪而勿接兮賦萬幾而歷試太祖故事隆親仁于九族

兮鞞章條而登殺鏡前塵而邁拔兮羞田恒之林類獸

實產以隸國兮歲坐觀其銍艾保克睦于不疎兮供虞

接于無匱弼支蕃而土限兮司存寧能以無槩維天王

廟世以七兮實殷周之宏制茫皇古之靡究兮二代亦

復宗異上古未審夏五宗商六宗如姬周之二室兮固

不祧而非次

文武二世室不祧其後王時七世固在二室之外二室非七教

別太祖

以特立兮三昭穆以對蒞乃一祖而二宗兮與四親而
 共備迨後王之復宗兮猶文武之不替迺七世以為恒
 兮確古今之通誼于皇明之握符兮兼天涯而地際睽
 既廟于有七兮那千萬而莫計皇高文之巍兮擊百
 世之永繼丕承烈于歷葉兮列諸宗而裸餼撫大典以
 徐謨兮意冲襟之不易續昭穆以無紊兮乃傳世之常
 系或頡頏而高卑兮儀馮從以位置匪今晨之攸聞兮
 法周知以為貴曩聖祖之丕訓兮定儒臣之請禘

御史

答祿與權請立禘祭上命儒臣議者以始祖所出未明而寢

賧趙氏之禘祖兮亦時

禁于僖藝侯王儀之不襲兮曷由疑而永廢當肇統而

慎始兮固宜存而不遂

始謂始祖所出

累重光以欽承兮將神

靈之有俟盍懋建于崇典兮偁宏義而時起

高帝時固宜存疑未

立今七廟已備已立禘祫以義起高帝正東向之位又今位與古昭穆亦異

地時正而道合

兮從心究于內外整孝順而謹潔兮悃皇彝之極至洎

儀章與物數兮比聲詩而容綴載采于羣神兮莫不

審于享祀闡明堂以嚴父兮汗大號以施治隆法宮之

九成兮翼前朝而後市畫三接于康侯兮旦五徹于

弼士

請舉祖宗日三朝故事

更叔孫之莖貌兮整鈎陳之法衛幄

明王之采章兮東鹵蹕于羣代被黃虞之法服兮禕日

火于繡會貞輿旂而邁簋兮盡生用之百器蒐古今

以分宜兮區雅俗之殊裁革淫巧之唯靡兮絕儒生之

陋悖后模臣以逮民兮宮刑廷而御海王有三以寡過

兮果風草之相逮常經摠于嘉吉兮與賓軍而喪祭

周上下以用施兮惟日見之為帛爛揖讓于交際兮或

元黃而牢醴纚目縷以條支兮陳更僕其馬既雖殊王

之更轍兮儒亦紛其翰轉罕往辟之故秩兮窈三典之

略在

儀周戴氏三禮

辭有單而已蔽兮道有一而知二迪在者

以推施兮僅含氣而亡愧徽列君之有作兮荷羣政之

勤惠諦繩矩于銖權兮研節度于旒繫覓迷途于槩填

兮興證辨于張蝟署根枝以交參兮部優劣而互採鑠

開元暨君卿兮亦司馬而無晦頰今昔而時措兮斯數

家之為懿按三經以疏繪兮又莫茂于先輩

前後議禮作述者浩

不可數互相得失得之多宜于今者大帥開元禮杜氏通典及司馬光高閔朱熹數氏其為三禮注疏若圖譜

如馬融三鄭偉昭王肅虞翻張融賈公彥孔穎達聶崇義陸佃寺皆經師啓述之功尤大先輩謂此

煥克文于神祖兮大集成而班賜茁楨抵于恒性兮順

條柯于日履申邦教之森曠兮補未充之伐細鋪遐邇
 撰裁兮要覲時以為揆刻昏狂之僭濫兮補眇忽之不
 暨匡以居正之名兮章以昭明之軌來九苞以均係兮
 謬相鼠之過死遵王度于截防兮允蒲盧之可企觀天
 文以察時兮賁順叙而貞明昊穹牽而西股兮儀娥錯
 以東行訂俱右之臆談兮淵鑿破乎迂冥太祖詔改朱
熹日月俱左
 行之檢班陳之分土兮何壤局而霄宏班固陳卓星士
之說天大地小
 不為嘗有貳于分星兮亦未究其諦精夏曷不中近
 天心兮三隅偏濶而空宏經舍輟以環轂兮二十有八

而咸趨中謂狄雖曠而邊夷兮分厠占于規零豈理果
 能御器兮器乃目理而不通測遲留于伏逆兮校容留
 于無名綜天官于靈顯兮同休咎之分徵珠璧信其有
 期兮同上下而清平氣多符而罕戾兮翼傲修之有行
天文祥異應不應者以氣理事人四者參錯不齊非可
 以類必膠師執用類索不視三端不應正宜爾乘除消
 息又本各不一如日月五緯合聚以算本有常期一屆
 是氣之元亨世當常治斯自然之符或世不應氣此地
 戾也故王者當傲心
 修其行以應氣耳矧氣否以變沴兮漠不省其違寧
 瞪歷代之愆臣兮還治歷以齊政遡都閣而下之兮孔
 難刺于一定監往故而聿造兮大統于斯而為令彙羣

造以折衷兮改月令以守敬免久狃之必譌兮徵良師以時訂曩授時之可採兮祀四十而已病元用授時法上尋千載不

繆而下以推來總四十年已差一度嚴緹室以候氣兮莊脩表以測景于

製律以治物兮鍾一正而萬應既禮達而政修兮剔刑

清而世康愷人蕃而物條兮曼至和以充盈王中正以

居心兮氣驩通于蒼黃玉燭忻熹子泰宇兮員嘉來

而八風平禔仁浹而功振兮鳥沒世而不忘騰風詩以

交宣兮鏗作樂而荐享本吹簫以造律兮擢五要以為

綱劉歆奏備數和聲審度嘉量權衡五者緒審忝以

立管兮正九寸之黃鐘各三分以損益兮于相生以旋宮均七始以為調兮八十四而成章間者濶焉夔曠之無作兮術布策而炳明三禮因語呂覽漢隋史渺杜審之神解兮

代已希而非亡京房杜魏荀勗阮咸謹述者之悟譎兮萬寶常張文收輩

議驤烟以詰攘自漢以來張光嚴宣錢樂之祖瑩梁武帝信都芳陳仲儒鄭譯蘇祗婆祖

孝孫王朴和峴實儀阮逸胡援劉几房庶范鎮司馬公沈括蔡元定寺尤難偏舉如何安中宏輩無可言

至魏漢津蔡遴執隨而成渝兮非數詞之已彰肇和

聲以製器兮倚度曲而綴行摘竒眇于純和兮援絃密

于腐常衍歆神而賓德兮戡哇鄭之猥厖唯中和之先

養兮聲後國而猶荒沸俗躁而胡疾兮且將裁而未逞

躁令人輕，則多犯疾急也。急令人橋，則多畔。吮斯音之么末兮爾猶昧其

條章今北曲出金元固非雅製十七宮調今但十一而律又過高全失中和病本由絲音肉音

輾杭歌其何響兮鬼啼嘯于畫梁謂今所謂戲文南曲本出南宋温州

全無絲髮可成音律畧不足接耳目鏗吾聲之有作兮融喙殺而鏗鏘

頌皇烈于神明兮適今時之豫昌假令今製樂大畧律宜大下于今俗倍而

微高于古律緣古者氣太和今氣大戾更化之若後大戾驟返大和亦恐未遽得或漸次徐變俟少久人與天

地氣應乃更歸純古可爾延鴻碩以倡構兮逝効工于更張即二代

元金之俗譜兮鑄昌詞以雄莊給比閭之小奏兮孽備

部于下堂猗帝德之夏殷兮般穆上而鏗上誕光天

之下兮至海隅之蒼生吊幽明以效答兮邵六幕而同

風遐休嘉之弗呈兮抑元文之或爽五曜潤于乾垣兮

五財理于坤軫河岳位而徵靜兮四類效其靈命萬祇

嚴以衛釐兮魃魃伏而不肯民於爰以時雍兮同虞方

而風動蓍王區之械撲兮天命生于熙朝皇契道以盡

受兮非行違之異標器必蘊于徵庸兮志須亢于冲遠

愚幸賦此元上兮愕夫人之宅操潛茲未之或悶兮令

達又胡以宣驕已焉哉俗以勢而成世兮勢以時而自

然泥時勢以太順兮存茲道以為捷森三端而翕張兮
 亘宇宙而推遷仰惠啣生于黔雷兮肯棄受于崇園飛
 元靈于泰虛兮收萬實于甫田控太乙以貫之兮艘有
 無于齊詮撫羣有于日用兮秉神根之淵上羨諸子之
 敏修兮品交通而互全兆流歸而皆海兮億管瞰而均
 天微無拂于風鳥兮碎或攝于筵筭躡太乙于九宮
 兮丙離重于太元機條上于木獸兮數斤上于銅丸灼
 萃降之非異兮易菽兵之上爻上
郭景純事舉四以例餘抱鴻通以款塞兮疾細滯而浮漫上悉蟲
上四事謂諸葛公木牛馬張平子地動儀神降

沙而顛遂兮當糝猥而不難惟無欺與至慈兮所不負
 于高旻坦詔鬼而交神兮直衣焜而踐川譴九夫之妄
 顛兮比二子以睽分謂殊儒而端異兮繆世教而為三
 昔柱下用表而存中兮師友與我文宣竺尊儲性道之
 本兮其何事于器譟千門萬室橫六內兮朝蜚波而
 夕煙印既尚此皇符兮炬百幽于一焱戚城隍之湫仄
 兮救羣神之所廬解故蹤于黟垢兮翔洪翼于蒼墟楊
 修雲以為輶兮結浩氣以為輿並三辰以循紀兮極八
 遐而同區駸晞髮于若搏兮夕留輶于融都葺收道以

然淫時勢以太順兮存茲道以為棟森三端而翕張兮
 巨宇宙而推遷仰惠啣生于黔雷兮肯棄受于崇園飛
 元靈于泰虛兮收萬實于甫田控太乙以貫之兮艘有
 無于齊詮撫羣有于日用兮秉神根之淵上羨諸子之
 敏修兮器交通而互全兆流歸而皆海兮億管瞰而均
 天微無拂于風鳥兮碎或攝于筵筭躡太乙于九宮
 兮丙離章于太元機條上于木獸兮數斤上于銅丸灼
 萃降之非異兮易菽兵之上爻上
萃郭景純事舉四以例餘抱鴻通以款塞兮疾細滯而浮漫上悉蟲
上四事謂諸葛公木牛馬張平子地動儀神降

沙而願遂兮當糝狹而不難惟無欺與至慈兮所不負
 于高旻坦詔鬼而交神兮直衣焜而踐川諶九夫之妄
 顛兮比二子以睽分謂殊儒而端異兮繆世教而為三
 昔柱下用表而存中兮師友與我文宣竺尊儲性道之
 本兮其何事于器譟千門萬室橫六內兮朝蜚波而
 夕煙印既尚此皇符兮炬百幽于一焱戚城隍之湫仄
 兮赦羣神之所廬解故蹤于黟垢兮翺洪翼于蒼墟楊
 修雲以為輶兮結浩氣以為輿並三辰以循紀兮極八
 遐而同區駸晞髮于若搏兮夕留輶乎融都葺收道以

前轅兮誥元冥使迎余召飛廉以興飈兮翬屏翳而滌
 塗氛侵伏而淑朗兮恣余襟之所如玩羣生之起滅兮
 觀兩儀之煥儲朋山河以結解兮賓曜宿而盈虛啣紫
 皇之默詔兮偕金女而同趨統父母于元氣兮或天神
 而一衢問日月其何紀兮啗死生而焉殊真一性以長
 覺兮去六九而不居大哉余游奚適而奚來兮醫焉往
 而不歸與

明文海卷二十七

賦二十七

人事一

問賦 張治道

餘姚 黃宗羲 編輯

愀然而生者愁也怵然而涕者悲也嗟余心之悶兮匪
 愁匪悲發於心志淪於骨肌斂狂褻豪奪強返糜聰不
 能測神不能知情然如愚慙然如癡神偪佩而不伸氣
 欬歔而難排叶肇於一心攢在兩眉似求弗得如合將

明文海
卷二十一
三十一
前轅兮誥元冥使迎余召飛廉以興飈兮翬屏翳而滌
塗氛侵伏而淑朗兮恣余襟之所如玩羣生之起滅兮
觀兩儀之煥儲朋山河以結解兮賓曜宿而盈虛啣紫
皇之默詔兮偕金女而同趨統父母于元氣兮或天神
而一衢問日月其何紀兮啗死生而焉殊真一性以長
覺兮去六九而不居大哉余游奚適而奚來兮醫焉往
而不歸與

明文海卷二十七

賦二十七

人事一

問賦

張治道

餘姚 黃宗羲 編輯

愀然而生者愁也怵然而涕者悲也嗟余心之悶兮匪
愁匪悲發於心志淪於骨肌斂狂褫豪奪強返糜聰不
能測神不能知情然如愚慙然如癡神偪佩而不伸氣
歎吹而難排叶肇於一心攢在兩眉似求弗得如合將

離疲精兮垂首困智兮固思出門戶而含恤入房廊而靡之縱茹脆而策肥終含嗟而不怡混五情而悼悵襍萬慮而鞿羈耳不能聞目不能視莫究端倪罔知終始役心令氣少泰多否侘傺惆悵恹憇怡儼獨有於我何分於彼將抑之而反亢欲歛之而彌侈與愁思而駉駉將惆恍而迤邐尼父困于匡國文王囚于羑里情思之而可同氣餒焉而相比若乃開華筵以速賓禱衆樂而兼舉燈煌々而在室鼓嘈々而弗止聽豪客之飛談若蚊虫之過耳情怔忡而不安心悵恍而轉委或隱几而

冥思或返神而內顧欲浩唱而未能徒瞽忤以自忤心如灰而不死情如適而未遇天地瞥乎風沙日月慘其煙霧惚惘憚怵絃結愠愉注黃流于玉掌發清詞于絳唇口欲齧而不入耳欲聽而不聞遺百年之富貴失一時之冬春窺人間之萬類若梁上之飄塵何笙竽之能樂返簫管之增愠若夫却于春夏熾于冬秋雲晨霧夕邃館重樓商風振木積雨飄林哀蛩送響落月在砧余乃攢眉捧心裏被擁衾心煩意亂兮似醉編愁緝苦兮如眠叶目收視而自省耳返聽而內聆思恍恍而彌結

心倦行而如醒與娛樂而不穆處寂寞而不爭守一途
而無他抱耿々而在中叶思紆鬱而靡放情任々而如
驚似顛顛而莫競何矐矐之能精若乃登高山以騁望
歷崇岡而放神思蹇產而靡悅心鬱悒而不伸煙霞明
滅而罔見虎豹悲鳴而不嗔坐危石兮意漫々眺遠林
兮心悠々採幽蘭兮迷空谷折瑤草兮失崑丘惆悵徘
徊踟躕淹留乘紫鸞兮望九閩駕八龍兮遊十洲々島
不可以遽上兮突然思之生繁憂重曰造化無情兮陰
陽平日月罔晦兮萬類生天地無悶兮歲功成何不屈

其情與造化而偕行

午夜讀書賦

有序

商輅

古人有言夜者日之餘也計暮之日三百六十兼之
以夜而日倍之則功亦倍之矣矧日冗而分功反居
夜之半夜靜而一業可當日之全故善讀書者日不
足每繼之以夜焉作夜讀賦

緊惟志士之征邁兮迺篝燈熒而夜讀爰發亡書之三
篋兮蓋羨張安世之目用宏夙儲于五車兮欲如邊孝
先之腹惟時羣囂屏而宴息兮將余焚拏之已就肅但

瞻戶外之三星兮止聞天邊之一鷺燒室鼎氤氲之若
雲兮剔銀缸清瑩之如浴疊廣文青氈之半榻兮下馬
融絳帳于高束酌春茗之蓓蕾兮燕晚糜以苜蓿下庶
氏之五行兮披鄴侯之萬軸訝皮編之蔽于欲斷兮何
牙籤之新而不觸隨開洛誦之殷匕兮不輟伊吾之謾
謾幸分江上處女之餘明兮思耿匕而若翬陽氣時滿
乎大宅兮烟匕雙眸而逾矚惟熠燿之宵行兮又覩望
舒之餘于缺屋况蛩散啾匕于四壁兮若助予呻吟之
碌匕時齁匕鼾睡在予之卧側兮輒不容而詈僕披夕

秀固無間于帖席兮然猶每借傲于圓木即旦日篇什
之已陳兮中宵無妨乎更熟不嫌引錐以自刺兮光雖
竭而更巧隣之壁煜矧復中壘之抽玄兮老人之藜輝
可續苟達人真覺之自来兮即廢膏油而問心之亦足
縮萬彙之華于眉端兮挾千古之祕于衷曲我思古人
之矻匕窮年兮夜甍勉固無分乎寒燠春罷犁而課經
兮夏囊螢而代燭秋聽鼗而下曉兮冬映雪以三復抑
聞焚膏以繼晷兮用成韓公之宏蓄爰有聞鷄而起舞
兮誰步祖生之芳躅對玄鷄于處宗兮吐白鳳于天祿

何素王之足弛兮仍不寢而自勗雖元聖而未寧兮每
坐待以式穀嗚呼予誠有惜于寸陰兮何暇就安於枕
褥

將就賦有序 桑悅

江右之龍泉令池陽張君大信政學俱優於人以將
就自號蓋熟於處世者也予為之作將就賦詞曰

惟造化之茫茫兮允福謙而禍盈地東南缺兮天西北

傾見世事不可滿 譬彼築室兮留三瓦之不成大廈既

三瓦見 惟苟合而苟完兮來宣尼之渥稱麤布勝兮無

史記三瓦見

裳得隴絕乎望蜀鳥有兩頭外夷有並命 蛇惟一足見

子食覺蹇連行深躑躅躑躅兮徐致遠將就 蹇連兮徐

充服將就 善乎張華之賦鷓鴣曰鷓鴣栖於蚊睫大鵬

彌于天隅將上方不足而下比有餘茂先所賦正 吾仰

天隅之公卿俯蚊睫之羣黎月俸雖薄足以樂飢公宇

雖陋足以栖遲將就 知足常足得過且過將就 風帆

易傾雲翼易墮不將就 虛中者獲祉飾表者賈禍吾將

漸造不營之域無為之城到此地位 微風亦涼片月猶

明優哉優哉聊畢平生

止漁賦 趙樞生

繫東南川流之浸大海朝夕之池三江茹納百瀆總輸
萬品彙育庶族潛滋鯤鵬變化鯨鯢走趨何珍不萃何
怪不儲爾乃沿江介控水許鍾澤國障陂渚有浦有潭
有堰有漉皆滄溟之遺潤亦江湖之委聚似星宿之發
源作羣流之窪滙湜_匕其流沄_匕其止菱蘆列而蔽虧
葭茨蔓而軒翥篠簜紛敷蘋萍萃止漁人泛宅舟師浮
寓網釣每生絲綸是理爰有濱河之夫傍海之子昉蓮
葉之輕舸窮衆川之源委張巨維以作網析衆目以振

紀浮片木而排筌沉寸鉄而繫趾將釣巨鼈于茫洋運
吞舟于鈎餌也于是主人諏日送徒循流矢魚盪獲漿
之如蘭放一葦之若鳧初投石以震潛旋扣舷而龍言愚
時則秋鱸屬思水鯉告獲魴美周南鮒標義易曰鯢曰
鮎維鰈維鱖鯨鯢鰻巨鼈螭異狀竒名不可殫悉
並育種于深淵盡呈體于冒繳爾其默駭潛驚飛攢浪
擲軼紘迅逝扶綆遐逸觸湛綸而躍一軀中芳餌而藏
詭跡曩騰踏于風雲竟噉喙于滓汨星留無以匿形蹄
涔安所寧宅合九罟而誰何布四維而莫釋裂鬣鍬鱗

暴鯁折翼噴沫流津噓涎屏息始張眸而潑刺遂掉尾
而翕搯陳尸艫板之中列籍波塘之側朱殷草萊鮭濺
阡陌汗液淋漓脂膏絡絳毒遍海隅怨盈天澤昆蟲喪
氣鱗介奪魄釜鬻需晷刻之期枯肆覬斗升之活信先
王所隱悼而仁人所憫惜宜虞衡絕數罟之投川澤禁
罟量之入解四面戒三驅斷連絃屏羣罝却麇師而不
用謝舟鮫而無為鸞刀自敝珍鱠何施澹澄潭之如鏡
圉萬類于安棲風波不起宇宙寧夷庶窮魚之咸若示
大造之無私

愍惑賦

汪必東

汪子讀書雋溪之南見鄉人鳴積善者往亡外儒術
崇異教垂老畏死咸作道佛事曰貯冥財以資鬼用
奔亡為波：為勞百念罄百材而為之而不知其惑
于二氏之厚誑思欲化而力莫之勝也作近賦以愍
之其詞曰

蠢亡我民曷時有靈一教棄正二惑蠱明崇佛信道謀
死于生識經表錄夸毗善教方其一念詖邪百計紛奢
運薪采木貨豆易麻科菜理果釀酒焙茶黍梁布帛筆

札丹砂下及器具靡不羅爬逮夫緇黃至止華采嚴莊
祥幡遠樹諭榜高張鑿楮為錢編竹為箱錠以金銀繪以
衣裳羽_口烏鱗_口烏青紅黛白費不知其幾千萬張
於是鋪陳怪象羅列堂廊恍臨_立帝儼見竺王焚香裊
_口列炬煌_口奏銃鼓之法樂開傀儡之戲場闋謎談于
上界羅禮拜于下方駭比隣之耳目走男女之交相爰
鐘鳴而鼎食或三曉而七光侈外觀之虛美而內醜之
或戕忍百日之經營付一火之灾殃并數年之蓄積傾
二氏之橐囊彼終迷而不悟反得意以揚_口謂寄泉貨

于冥府謂布福果于幻方謂錢神死可以資食謂紙灰
死可以裨裳不知百物經火與塵土而飄忽人生蓋棺
等大化之渺茫何形跡兮可覓何方所兮可藏况乎死
生人鬼理互陰陽人既託財于鬼主鬼必通貨于人皇
夫何人之寄鬼者紛_口籍_口或百簣而千箱而鬼之遺
人者寥_口落_口卒不見其一簞而一筐悲乎愚哉民之惑
也官有常征弗督弗完親有常養弗力弗歡酌師一縷
忍弗能拚祀先一盞長揖敬闌孤貧百丐嘔蹴色難二
氏何功而好且貪悲乎愚哉民之惑也談常則厭語怪

則喜借曰有之爾盍為人謀人為鬼謀鬼且以爾之美
餘赴君急難隆親甘旨殷祀祖宗義訓孫子周爾族屬
濟爾隣里宴爾親朋樂爾生理待其既斃然後與爾無
形影者謀無殺臭者處而乃勞心為假生以濟死雖貧
乏而效尤難喪富而不悔也耶嗚呼孔孟之派寢微楊
墨之火滋熾觀習俗之猖狂感盛衰之相嚴讀昌黎之
遺言增志士之長息

逋歸賦

張文宿

竊謂御詭則禽獲釣直則魚沉冰凍則龍潛烟煜則

鶴避是以公輸不以木曲而改繩伯牙不以聽稀而
易操也古今之歸者多矣如尼父之歸與淵明之歸
來二疏之乞歸沈約之求歸二張之同歸逮今空同
子則曰宣歸仲默氏則曰述歸、雖不同其志一也
余學易者况才拙而位卑力孤而性直勢不得不逋
也故作逋歸賦以辯隱顯之跡以叙得失之由以定
從違之志俾天下後世知余之所以歸者非敢僭附
於驥尾也辭曰

念余髫之甫童兮奉先志以自研荷成均之鎔淬兮仰

英軌於昔賢唯性魯而寡儔兮獨日夕以乾：及銖累
而寸積兮頗繩貫而局連望天衢以上征兮世以文而
為梯苟機會之適來兮普龍德而博施忌時命之坎壈
兮屢升高而逢危揚年歲之將邁兮姑小試於割雞雖
列土以附庸兮責實重而易隳余既承此遐命兮惧薄
劣之不支躡清源之屹崒兮樹叢菁而石崦何競猫之
負其隅兮又訓狐之嗥其巔風飈：而熨人兮雲黯：
而蔽天承瘴海之毒流兮黃霧噴而觸顏唯側躬以服
勵兮心兢：而靡寧值世維之反覆兮咸好濁而惡清

既爬弊而剔蠱兮期邦猷之允升何民俗之獷悍兮多
棄禮而尚爭攢霜戟于塵胃兮每下虐而上凌故持辟
之或矯兮夫豈余之初情況羣朋之罔恕兮動號族而
結侶冒堯冕典舜裳兮蘊侏儒之儂宴余固非騰空之
驛駟兮亦入器之龍龜何織銖之未憚兮輒攘臂而詬
語余既負此耿介兮唯持正而不阿寧竽瑟之相反兮
胡薰蕕之可和若黨人之叢毀兮荃不察而同訛遽信
以為不慈兮反疑璧之有瑕測籛篠之孔壬兮挾左道
以為戈使藻鑑之獨精兮安能被其媵嬰視繁星之薄

明文海 卷二十七
掩兮頽予心庸何傷唯指鳳以為鵬兮誠有欺乎盛明
欲仰天以自白兮又無良媒在傍將竄節以求樹兮恐
失身于否臧或孤進以謬直兮徒激怒而增殃設徬徨
以苟延兮何忍為此蠅營與其逐鳧雁以啜藻兮曷若
效蚯蚓之歆塵嘉惠草之不汚兮以其別衆類而獨芬
遇濁世而榮寵兮固非余之夙心雖見斥而窮處兮屈
吾獲而勿信賈生以獨立而被謫兮叔子以羣惡而蒙
難魯連燭先幾而長辭兮仲舒憤不遇而興嘆考淑人
於先世兮多受諛而遠竄何申生之沉江兮彼損育于

狂瀾余誠拙而寡謀兮亦數之所遭絜龍劍以遐逝兮
旋余轡于蘭皋揖九鯉之靈貺兮駕三山之叻濤越七
閩之襟喉兮跨二君之虹橋陟仙霞之崇關兮當四鎮
之所交指會稽以西邁兮望故都而逍遙送湖山之奇
勝兮簡元辰而築居伐辛桂以為棟兮挽澄波而濯衣
探孤山之梅雀兮招白雲以共怡采瓊枝以為珮兮雜
幽蘭與芳薜截洪竿以垂釣兮據玄州之奧區趨孤跡
於物表兮豈嫉妬能障之省余躬之既遯兮雖幽屏而
不窮環仁義以為域兮列道德以為墉關玄牝以為戶

兮建太極以為宮驅豐隆與椎草兮後蓐收以扣鑪舞
霞袖於馮夷兮豎雲旂于蒼龍布勾芒使值春兮命玄
冥以司冬奔左右于玉臺兮坐上帝於其中運四時之
變化兮察性命之始終擴仁孝以事天兮總萬物而併
懷承慈顏于萱闈兮伺桑榆之寸隙苑千古之鴻裁兮
復游心于羣籍抽黃神之遐緒兮索莊老之玄極檢周
秦之遺編兮標漢魏之奇袞纈唐晉之芳葩兮浣梁陳
之陋習尊六經以為祖兮叙百家于杪席頌謏才烏足
以與此兮亦當策蹇而追逸倘微名之可成兮庶前美

之能匹慕古人之浩曠兮寧偪側於一丘肆博觀於塊
坳兮延歷覽以滄游揮青霓以驟乘兮呼白龜以負舟
居飛廉使前導兮問直符之所由朝發軔于陽谷兮夕
返駕于西甌跨九野而超八埏兮遵五嶽與十洲指余
節而南征兮令青童以為媒候松喬于仙掌兮跪華萼
之崔嵬邀彭期于海上兮抗瓊館以洪厓訪偽祿之故
居兮濟長江而涉巨淮淬靈波以拾瑤草兮渡弱水而
窺蓬萊忽臨風而興愴兮激沅湘之湍瀨吊三閭於汨
羅兮渺不知其所在羌既不甘於披昌兮合完軀以遠

害胡遽沉而不疑兮蹈申生之故態彼上下之迷誤兮
審伊余而何罪乃自葬于魚腹兮豈詭夫之為崇方悵
望而猶豫兮邁至人於中途告我以往者之莫招兮仙人
之不易圖矧洪河之波漫兮與行潦其合污豈不見世
路之岨坼兮乃南奔而北趨汝既憑軾於大雅兮又御
舟於錢湖盍順時以安志兮守三吳之舊廬保神明之
澄清兮游吾心於太初唯含英而握華兮期永息乎桑
榆苟顓恣而不信兮請解袂以獨驅倘葛言之足采兮
吾與子其同車辭曰歸乎來哉仲尼之德衰接輿笑兮

彼豈昧於隱顯畔斯道兮余何人斯敢不踐先生之芳

躅以終領其教兮

心事明白

夢歸賦

王材

余何索々而夢歸兮自邇歲而益頻夕抱衾以就寐兮
至旦曉而相循時洊歷於川梁兮指郊郭以忻々復迴
游於帆櫂兮望故里之無垠忽轉幻而得路兮山川鬱
其更新親賓僚以雜萃兮又門巷之未陳宛髻邕之階
闈兮聽嚴訓之諄々偶飭餽之紛縵兮又衍然釋冠服
而飫比隣蔭溝蹊以春遊兮美宿植之蓊々瞰川魚以

映日兮布白石之彬粼蹇遭迴而侘傺兮慨輿僕之頑
斷儼失携於中道兮悵所往以弗申杏花竹以盈洲兮
驚好鳥之馴也奉慈親以樂康兮酌椒桂之芳辛洽親
戚之藹也兮揖棠棣之津也亦往也述其官迹兮曰不
能斲弊于凡倫紛糾也其莫紀兮恒一夕而屢變奚厯
載之吟嚙兮曾不離乎鄉縣晨豈不趨乎宦者兮事豈
不經乎當世之羨况聖君賢相穆也休也兮士亦咸懷
於自見既通籍于金闈兮豈果哉而自善願精愫之默
成兮恒自愜於荒賤涉膏珍之芬馥兮獨怡儼於藜藿

鳥榆枋以自止兮未遠飛而已倦治鱗盈也以噲喁兮
無得乎滄溟之浩衍念自抑以秉時兮嬰固陋之非淺
愈憧也于去住兮追鹿蕉而莫展輒獨抱而長嘯兮矚
左右之莫辨槩千古以內晒兮庶退約之無譴夢兮何
疑覺兮何睠吾將惟夢之從兮毋為覺之所眩

明文海卷二十七

明文海卷二十八

餘姚 黃宗羲

編輯

賦二十八

人事二

歡賦 屠隆

余處冗賤百憂煎人側身天地長苦跼踖思欲揮悶
 散心寄興楮墨我思古人動多憂愁昔士衡歎逝文
 通賦恨驚心動魄一字一歎每一披覽秋氣颯風
 雨欲來使人惻愴幾不知有生人之樂矣友人馮夢

禎謂僕曰子何不為歡賦悅心暢意破彼我之煩悶
宣萬物之鬱塞則此道貴矣夫愁苦之語易好歡娛
之言難工然烏可以其難而含毫沮喪也於是為賦
焉文通諸君子見當掩口

晨登山阿下覽八紘天地開朗風日熹明遊人出嬉川
塗載平於是僕本曠士解顏暢鬱百慮盡捐萬愁若失
我思古人歡情靡一媚上皇娥夜處璇閨薄焉遵渚帝
子是依精靈感化中心不違清歌相答游漾忘歸軒轅
守和冥心合道夢遊華胥萬國熙皞終登崆峒後天地

老子晉仙才神骨蕭爽丹經既成捫霞直上羣靈羨猶
九州糞壤薄富貴而不懷希世外之幽賞英上穆滿志
狹乾坤萬里烟霧八駿雷奔謁西王母登彼崑崙奏白
雲之長謠俯弱水而歷天門秦家公主氣凌紫氛一當
蕭史遂厭人羣攬虹霓而作佩製丹霞以為裙睇樓上
之明月躡天邊之彩雲長辭綺閣永隨夫君千秋萬世
此樂何云越王破吳奏凱言歸載蛾眉於金車挂將士
以錦衣樓船壓江濤朱旗晃日輝緹綺填乎廣野羅綺
盈於中閨堂上燭滅笙歌不喧尊壘酒清房櫳月昏閣

者出客主人留髡坐細毳以終夜傾一石而何言至若漢帝英雄初誅項王山河入掌弓矢斯藏過豐沛兮訪故偕父老兮倘羊歌大風而忼慨覽雲氣之飛揚又如延年獻歌夫人初御驚玉骨之凝霜艷輕綃之如霧樓閣含風階除墜露洵明珠之照人判傾城于一顧衛霍出帥士馬精強匈奴滅漢道昌黃金朱第列侯煌煌上鈿釵作隊歌舞成行相如弄琴文君私喜臨邛夜亡成都歸市姿態豔目芙蓉心死紅蘭茁芳砌青苔生玉祀雖貧賤其何傷願百齡以為失若夫太液波明昭陽月滿

香蓮罨舟涼風送管黛色欲絕歌散乍緩既和媚而魂癡亦宛麗而心斷兔園既開梁王意歡碧瓦宵白朱門夜寒集詞客之鴻藻駟凍雲于毫端孟德芟除四方蒿萊雄圖既就猛士歸來引漳河以為池鑄銅雀以為臺清吹干雲步車轟雷高歌烈士泰山崔巍陳王妙才應劉卓犖寶馬金羈光輝厯落出馳東郊歸燕平樂神飈蕩空青山映閣會稽諸賢遠覽高步山川崩峭雲物莽互喬松夾道脩篁透戶一咏一觴凌虛徑度庾公風流作鎮武昌扶賓佐娛景光暢飲其無人代長嘯而下天

霜又有征夫戍邊思婦含悽長想忽見遠行乍歸今夕
何夕月白星輝高堂敬兮春溶上朱簾捲兮秋湧上新
昏合兮出瓊佳現期至兮藉芳蘭金爐兮乍焰紅燭兮未
殘莫不歎爾彌洽爽烏和愉寸腸不結雙眉長舒知離
憂之為何物豈羨夫神仙之所居

孤燈賦 顧紹芳

當夫羲和促駕陽景戢曜露凝霜而未飛星含芒以漸
照肆目則黠黯而若迷極聽或泐吟以如吽爾乃燧人
獻伎祝融效靈沃以馨蘭之膏列以黃金之檠覆以綃

縠之幕然以琪華之莖續龍啣于既灰俾幽窅之大明
爰有貴人公子耽妖冶之劇游縱浩夸之至娛曲房隱
閒高軒周疏左擁姣女右挾子都趾動流光齒露生姿
盤辟巧笑終宵不疲玉漏漸撤猶仰餘輝又有遷臣逐
客投湘竄澤猿啼兮腸斷林嘯兮夕惕淹寂寡儔面之
太息亦有傑客俠朋豪舉蹕厲風流相師吐辭眩日積
醜成池振歌舞吹塤箎御翠尊撫瑀卮為歡未央聯翩
淋漓况修炬之爛朗佇扶桑朝暉又有思媛成婦神挂
紫陌魂馳玄閨日晷空擲良夜徒闌握金剪以凜霜抱

孤裊而盤桓睹殘燼之在壁攢哀思而長嘆茲物情之
詎殊亮憂愉之異觀惟余今之所覲將為悲兮為歡始
燭以焰爛既憧以而飄颻乍隱乍舒若適若遼當隙
風以披靡近聞狀以沈寥于斯時也鼉鼉啼現乎其側
塵空綫繞乎其上月皎以奏光雁唳以而飛響悄焉
孤影淒其萬狀爾乃沈酣千代咀噉百家彤管吐精
竹素揚花寐不知其枕席游罔借其烟霞于是孤燈亦
熠燿吐氣輪囷生花似目余以知己矢久要而靡他辭
曰聘靡曼兮宴無昏狗節俠兮獨無徒塞余賤兮為所

放穆余姣兮為所思塊兮軋兮大化紛以離披乘運順
流安余其居余弗知其憚又為知其悲願優游以卒歲
請終身而誦之

罪鬚賦

靳學顏

予試童生見有魁梧而甚鬚者命作此辭不諧吾意
遂接筆製此以示風焉辭曰

遵彼旄丘莫赤匪狐叔兮伯兮有鬚丈夫爰自鄉甸來
適都市曰往試乎偕彼童士童士曰赫于思于思譽髦
方臻爾胡為我兵衛總上大夫在公髯于衆中緣階自

東既旅進以獨聳指危冠而上衝尔引領以斂翼忽脫
穎而露鋒於是髯也俯而不昂肩高頤隱欲蓋彌章大
夫曰髯前吾語汝道遠去來跋憲良苦汝其心童而貌
則皤頤名思義人其謂何髯謂大夫失之子羽長揖不
辭將歸有處既歸返舍盛氣自厲攬玄錫之光華鼓金
錯之利器鏗將舉而未下先赦罪而矢意曰陶無見膚
其以汝貴何吾殖汝迺貽棄累凡吾百體纖悉有以齒
決爪搔冠以髮紀睫衛離朱毛通肺理宛彼兩眉所占
無幾輔頰匪尺而據踰中寔煩有徒汝吾奚功發論則

附以作勢微詞則鬱而不通解顏而燦然之美若失長嘯
而宮商之音弗融雖有嘉食淋漓引膩雖有麗服覺
我形穢流火之期揮汗成雨紈扇弊搖亟麾不去積塵
為垢積垢為蠕無而不治疹其興諸是用多方剪理拂
疏嗚呼子鬚汝大負子上官見憎職汝之居龍蛇之螫
時有卷舒寧不少潛以忍須臾頤乃森發爭張競挺參
鬢侵顙翼腮蔽領黃氛繚繞赭茸不整使我染翰無光
吐氣不揚誓將決汝離被故疆已而鑷人呈技待詔獻
功芟羨搜剔根株斯窮長條冉以錯落弱苗離披而

飄蓬既乃假寐隱几憮然自喪鬚作人言見夢陳狀曰
予受命與子形俱妍媸在子不在吾鬚內克外瑩血氣
有餘赭茸不整子自中枯不曰妍乎綽約妙姿黝光不
鑿玄珪載垂瑳_上長揚清飈吹之落_下喬松麗葩施之
吾於此際何負人為且夫鼎龍墮小臣之泪編虎設尼
父之戒責須上興和樂示愛子之無情一何自懷禮云
斯須不可去身我須我友詩範人倫智者不拔一以利
世何吾子棄彙而捐親

巧賦 孫宜

巧者何傷仕之譎也

遂古之初道惟一真厖_一：噩_二：混_三：冥_四：皆皆朴斲世
罔哲霸緣渾而治循厚而行錐者就絀羶者孰淪詭者
孰褒猥者孰稱醇風肆颺本俗用成嗚呼噫嘻敦厖既
分渾朴以喪雕鏤是工鑽研是仗悃欵者麾呖訾者尚
正直者棄喔咻者放突梯者顯滑稽者相衆方質_一：莫
知攸為僉曰張_二：罔適所之守蹇則怯狗捷則疑厥有
巧夫曰識時宜掄聰揣慧啟鍵發機觸物如見當事計
施非為世縛不與道稽出則響應用則影隨斂則電伏

運則風馳變則雲烟幻則蛟螭詭爭詐騁孰詹所會奇
蹤異態翩其可畏故若隆：者皆燁：者位指授君造
掌握朝寄低昂重輕嘔吸榮悴禍福與階死生併係既
大以殺亦侈厥氣勢雖灼爍我獨探利爾其妖姪狐惑
壇坎猱攀蘿依葛附根引枝援折節降意屍心醜顏秘
潛畏境曖昧當闕入于左腹持彼要端矯趨偽合曲順
勞于術寧缺漏智罔遺慳是故傳璣宛珠堅琨瑩璧囊
蹄馴菑水綃霧帛索咸高價市本絕域隱購冥搜遐求
洵責恪慎標題鎮嚴封籍馳以腎腹約以時刻旦啟途

津暮充藪澤假物奉交緣情寓識推轂汲引庶几斯策
下逮侍僮弄僕嬖媵豪兒廣為賕賄咸有賂貽稱名敬
納舉號哀祈渠官某秩孰地誰司心乎愛之懷欲得之
賴假調協矢莫維持片言倘辱千金不欺迺至幕客座
賓周親近故苟可贊辭但能獲助鮮論同異無分今素
重足伺庭多岐覓路環贄奚慳珍貨畢付獻達悃忱開
示臆悚稠疊表虔周詳見慕浼以先容因而媒碩若夫
湛恩濡渥峻級崇班偶增一命時進一銜或當壽紀容
值譙歡晨雞未聽駕馬已鞍投謁貴室整沐華冠出詞

袖內捧笏筵間德頌且與功誇范韓爭新停駟市寵聯
鵷時乎弁屨悉臻播紳咸共發言盈庭借署有衆利害
懸招蒸黎係重有凜而斷亦微而諷正則砥礪竒斯切
中聆者忤深覲焉恨痛載觀若人善藏其用順語逆探
陽操陰縱舌任轉易口與彌縫又欲續紛國度膠膈帝
幾權將奚撓職豈攸移彼勢之子曰予利斯循軌者隘
沿法者泥彼甘一怒我曰兩宜鶻突含糊摸稜脂韋願
吹頷仰巷遇牖窺以綿厚眷以結殊知迨夫寵過灾生
釁深禍萃對理陳寃裸躬屬吏狡兔嗟興鴟夷革被於

斯之時及門之士善自解携速為規避遠跡內疎逃嫌
外議偽無半面佯寡尺幣苟免是良負心疇計嗚呼噫
嘻人有爵位我則取之人有利祿我則有之彼取者何
惟巧取之彼有者何惟巧有之凡此者術孰云語之凡
此者儔孰任數之於戲噫嘻天地賦性醇樸章矣人曰
受形厥有常矣廉潔弗馳真原固矣疆梗弗撓本始復
矣此謂吾能寔云賊矣彼謂吾知寔云拙矣於戲噫嘻
茫々大塊悠々蒼旻吉凶原數禍福匪人左伏右見細
逝鉅形疇敏而遠疇慧而成我敏彼又我慧彼能於戲

噫嘻衆人皇：未值其定昊天曰明厥有成命源古稽
今近述遠證窮豈盡樸達豈成競守道藏晦人逆我順
險闕譎繫成者幸君子聽之母侈厥進

燈花賦 徐勣

陽暉乍匿陰魄初生曲房暗室短架孤檠剔銀缸于獨
夜熱蘭膏于深更歛吐萼而結蕊徐擢附而舒英光閃
閃以搖玉影離離而綴瓊侔宝炬之羅列讓庭燎之晶
熒爾其非綠非青如珠如紺艷態芬敷冶容璀璨素辦
宵燔丹葩夕煥垂穗抽條縈枝繞幹既乍翕以還張偶

將明而復暗青蓮傍火以爭開金鑛在爐而鑄鍛孕蓓
蕾之轉鮮闔歲蕤而愈爛若乃囊挑金粟釵綴玉蟲熠
燿宵行而獨照蜻蜓拂水而雙瞳飛蛾投明以赴火浪
蝶誤色而隨風不異泣鮫珠于月裏何殊剪綵勝于宮
中至若席啟芙蓉尊調芍藥絲竹遞鳴履舄交錯輝掩
映于晚妝焰朦朧乎翠幙綻奇卉兮芬菲絢天葩兮的
爍任更籌之去殘洗不觥而猶酌別有征夫遠塞思婦
深閨為歡未罄決絕分携揜錦衾而寄慨揮羅袖而空
啼雖占繇于永夕難委恨于孤棲燼伴妝而共落暈繞

思而俱迷况夫志士窮經騷人授簡偏惜夜長恒愁晷
短垂帷下篝含毫擲管悵年華之不留念景光而莫挽
羨夜明之珠胎重含輝之琰琬豈曰嘆榮瘁于須臾實
效燃藜光于日晚

乍見賦徐煥

嗟人生之轉轂兮恒一東而一西恨踪跡之流萍兮真
聚散而弗齊痛遠別兮道路邈嘆離羣兮天一涯傷人
遐而室邇感會少而情睽歛不意以遭遇或無心以追
隨既樂深而不殫復喜極而難持若乃曲院疎楹涼天

靜夜絕遇客之履轂寡高人之軒駕落月滿乎屋梁寒
雲停於艸舍倏驟見兮綢繆陳酒散兮杯斝樂傾蓋兮
方新驚會面兮何乍烏鵲已飛鸛鷓猶却至若臨邊戍
客廿載塞垣雲埋龍漠月照雁門遼兵朝關胡馬夜奔
顧身自恨吊影難言偶故人兮邂逅揮涕淚兮寒溫述
沙場之痛楚問鄉國之田園當年髣髴兮白復白舊日
交遊兮存不存乃有五陵少年千金任俠重諾輕生執
仇飲血愛趙女兮秦娥指青樓兮紫陌過狹邪之娼家
講邯鄲之賓客迭絲竹兮徵歌奏笙簧兮按拍玉燭羅

幃璫筵玳席行醇酎兮午進盡歡娛兮永夕或有深閨
少婦久別征夫雁稀鯉絕日居月諸秋風冷落芙蓉帳
夜月空明翡翠襦愁復愁兮容色改怨復怨兮形影孤
值夫君之歸輪聞門外之嘶馬涉遠道兮言旋喜從天
兮而下慶再世之伉儷隔幾年之春夏嫵婉由此兮重
伸別淚從今兮不洒至若永巷長門深宮淒惻紅葉傳
情團扇掩泣着舞衣兮空自傷歌悲愁兮倍於邑閉椒
室兮徒含情恨君王兮不相識一旦親召幸非常賜顏
色得寵有時承恩無極其或才子風流高唐夢寐朝

暮：雲：雨：二八佳人妖嬈旖旎被綉縠兮桂裳服
羅紈兮績綺迴眸轉盼芳心欵起雖夢幻之非真亦交
懽之堪喜又若修真羽士拔宅飛昇黃龍可御白雀堪
乘游玉樓兮金闕踏紫府兮瑤京視人間于凡濁謁上
帝于杳冥拍羣真兮嚼瓊蕊揖八公兮參雲駢欣聚首
之有數幸宴樂之匪輕若夫流落羈臣長沙遠謫鵬既
來棲地復卑濕一朝命下身歸舊國談夜半之鬼神令至
尊之前席上與下兮相親悲與喜兮交集又若文人
墨客千里神交偶通姓名于逆旅或枉車駕于衡茅似

砥引錢如漆附膠又有苧羅妖妃江漢游女逍遙水濱
顧盼江沱一見兮日成相對兮魂褫既贈珮兮委心不
投梭兮折齒別離倏忽遘會非常雖日月之逾邁豈中
心之能忘覺悲欣之交戰疑晤對之倉皇誰能當綢繆
碩戀之際而不神爽飛揚者乎亂曰擾々浮生真過客
兮世路多岐何輻仄兮人生見期詎能必兮懍々憂心
殆如積兮憬迷途之茫々寤天地之何極兮

燈花賦

鍾惺

與茂之夜坐累夕燈盛華異而賦之刻花燼為限時

庚戌九月念日

夫何連卷離竒之絳萼兮乃從寒焰而擢跗惟青蓮之
寄生於火中兮故錫以嘉名曰夜舒託銀缸以為盞兮
馮蘭膏而作渠幹寸藁之柔心兮儼碧筒之挺夫紅芙
於是初苞蕾以熒々稍吐瓣之簇々巨輪困以象華華
細紛累其若金粟微暈匪風而蕩曳輕光如雨而新浴
雖藥珠之流曜兮或結繁而翳乎太清乃忍微靄以養
照兮抱晨星其猶未明戒佳人之誤挑兮憇警條而落
英背櫺隙之商飈兮慮乍定而忽驚俄魄甦而我生兮

終然華燁以敷榮愚彼寒蟻之貪明而塞芳兮數遊
蜂之營乃有餘映殘氛匪青匪綠中邊縈帶上下委
屬乍蔽乍虧若離若續疑香雲之承夫桂輪兮類朝霞
之濯夫若枝散幽藹而結孤秀兮宛翠旣與金支綴春
花于火樹兮豈若獨莖之秋持燃青藜于杖頭兮烏見
夫夕秀之垂采解語以獻笑兮怪夫燭胡悲而淚滋
重曰微輝吐欲臺以樓兮寸宵榮謝春而秋兮油花可
卜告我繇兮曰有遠期晤言道兮

春淮燈船賦 鍾惺

小舫可四五十隻周以雕檻覆以翠帷每舫載二十
許人人習鼓吹皆少年場中人也懸羊角燈於兩傍畧
如舫中人數流蘊綴之用繩聯舟令其啣尾有若一
舫火舉伎作如燭龍焉已散之又如鳧雁槃跚波間
望之皆出於火直得一賦耳

集衆舫而為水兮乃秦淮之所觀借萬炬以為舟兮縱
水嬉之更端波內外之化為火兮水欲熱而火欲寒聯
則虬龍之蠢動兮首尾腹之無故而交攢散則鸛鵝之
作陳兮羌左右上下于其間觀其蜿蜒與喋啞兮載萬

光而往還俄簫鼓怒生於鱗羽之內兮樓臺沸而蟲魚
歡彼舟中人之惆恍而不知兮乃居高者之悉其迴環
嗟景光之沉而不居兮羣動去而一水自安重曰火水
沓兮生星月兮散光雜兮情瀾歷兮照幽沈兮潛怪怛
兮悔明達兮作津筏兮彼楚魄兮寃滯豁兮

饗客賦

夏樹芳

會稽子門下故多客、有曼衍支離而善彈壓者輒握
塵希夷而笑曰子之堂有詞客有劍客有俠客有說客
有章逢禮義之客所謂饗客者何居會稽子長嘯纒、

而答之曰吾聞饗者嗜財飧者嗜食鋪糟餽醕風斯下
矣請為子談諸客是故語詞賦則吐鳳吞龜鬻龍繡虎
藻揆天葩靈開秀圃昔人所稱歎吐落九天隨風生珠
玉者非詞客乎語說劍則揚紫電淬流黃躍青萍舞含
光揮斥八極天地低昂非劍客乎語游俠則慷慨淋漓
激烈瓌竒義重泰山名垂四維一死輕鴻毛而功成不
受賞非俠客乎語說士則押闔摧輿一縱一橫口若懸
河目如曜星投足所向判若疇嬴彼夫批跋揣摩而趨
時如炙輶非說客乎若夫章逢禮義之客此吾家分內

事無容贅矣抑上所稱數客者古多負僑畧而宣瑰行
今則托宿于此而純盜虛名猶夫日及之竊梗楠山雞
之竄長離也請言饕客夫饕客者非史非曾不真不贋
逆埒散儒乞墦居半態若餓鴟捷如墮斷賓未迪夫初
筵鼎已嘗其一縷熊蹯未熟而食指先驚羊舌既埋而
客心猶恋肥腩甫入于喉甘芳若達于面盼需雲之油
油樂鴻鑿之衍一者噴夫 饕 逐 饕 侍 饕 容 若 沉 若
酒 饕 影 饕 怨 饕 逃 饕 崇 二者大舖饕 飽 饕 相 饕 示 饕 飫
如 逐 如 馳 饕 銀 饕 益 饕 乞 饕 預 三 為 饕 口 既 食 淹 獨 意 饕

撐鐘林 頡之頑之饕 借饑熾 饕登饕 狀四則鼓腹食飲

飢官饕 飢 饕 遣去 左顧右攫 饕 饕 零饕 農饕 饕 蠶爾

餒士餒 餒 恨 餒 侍 餒 飽 前 噶 後 于 饕 坎 饕 瓦 餒 救 饕

飽此皆飲食之徒望門投轄以身為壑曾不知節其行

趨趨伊口嚙囁盖俎豆衣冠之所不容利利旃陀之所

不屑奚足以廁周孔之門桂詞臣之類乎將俠客視之

為烏有說客視之為土苴為蠅蠊仗劍而游者曾不足

以膏霄鍊而蘸豪曹也語畢會稽子復愴恨挪揄而贈

之以歌曰大道邈、涂多愁飢四豪不作三河蔑如

孰鳴短缺孰曳長裾侯鯖不設壺食莫携中人好事市
惠飲醅雖則飯醅曷捄枵樽已而已而今之為客者殆
而於是餐客泚然汗下而機發於踵曰舍爾靈龜觀我
朶頤屠門大嚼壯夫不為蓋下莫下於餐客而肝蠻醢
雞之不如然而詞客者靡劍客者霸說客者橫俠客者
邪抑有志者所不齒先生為世大儒其為我執牛耳而
攻之我其從先生游食簞瓢枕曲肱追詩書守同窮且
絃且歌金石相從願洗滌前倦而作儒門之鼓吹乎健
於是鬻於是

士多羶行聊作此賦以維世風匪止為放飯逐臭之
夫設也賦成曾輩見之以為所指者乃是立之顧子
夫立之為余莫逆交慷慨仗義家徒四壁能捐白鏹
數千緡助喪厥祖鴻臚君墓為豪右所蝕告之亭長
質之當官俾夫顛顛不驚而陰堂勿壞蓋亦有俠烈
之風焉郡城東隅有普同塔蓋荆川唐先生所建以
瘞白骨公在郡二十年所遇觸骸偕同志收之人人
盡得圓通無礙也所居治一斗笠蕪迷迭都梁攤書
數十卷誦唐詩百首如貫珠又能博古尊壘彘器與

豪長者游且好施與輒以杖頭錢付市門乞丐囊中羞澁如阮郎不禁也夫劉道真之食半肫豈與僉父之食園腴同日較哉微予言幾無以藉衆口

逐病賦 徐世溥

徐子以甲子季秋娶婦序當挾瑟禮協授衣頽常多病率一月不盥櫛勝衣善食治事者歲不過十餘日至於辛未垂及八年其妻嗚咽斷續而言泣謂徐子妾病久矣為婦無良以憂夫子自我十六嬰疾來歸呻吟下車廟見有違蓬垢楚毒畢歲處房晨昏之節問省不遑惟

病之故警禮尊章蜡社伏臘陳宿獻鮮人具拜起我獨不然惟病之故烝嘗以愆冬不知風夏詎識暑弗獲歸寧日惟閉戶惟病之故睽絕父母姑姊遠來姆姊出迎顏色軟愉中堂笑散惟病之故我獨伶俜未壯先哀眷盼鬢班久視目眊將語咽乾惟病之故任育孔艱皇天閔予亦既有子寄乳保姬提攜頑婢惟病之故母慈大戾子有嘉賓命勅盤飧莞簞不時籩豆用艱惟病之故中饋多慚子復志營四海道抗嘉芳窮年矻々遠語義皇夜陳編以達旦兮寧知荼苦之在林妾安敢兮怨子

願錫余以良方徐子攝衣起而筮之筮曰有鶚南飛道
遘鳳皇不惧鍼石所畏文章日者曰口今日乙丑時加
於未蚩尤破軍先發者利子誠逐之功賢黃帝乃具桃
艾淬醢火揚言告病汝奚嫉我汝作呻呼日灌予耳汝
為尪羸俾予日覩汝欲苦人寔則予苦將欺予之窮而
不能達抑玩予之文而不能武耶我將數汝情狀究汝
根株汝善自謀速走他區病乃言曰使子言而當則善
矣言而不當職子之羞苟其中矣孰敢稽留主人答曰
我友俞跗列汝千名咸汝醜類分蝕人形其在閨孺未

中殿情其一曰潔鏡無留暈衣無渝褶刮滌窮微是生
內熱其一曰敏應教趨事聞言自引小大悉裁攘為渴
軫其一曰勞米鹽薪蔬晨起紛囂口燥筋疲發為煩焦
其一曰慧既休筐績妄希文字五言未成百疴已至其一
曰鬱已食不步影不踰閭含憂弗懣怒蘊不越沉遲
展轉積為紆結其一曰褊婁婁飛言婢僕微訕衷寔不
平恚復不顯橫攻胸臆逆為噎蹇惟茲數者是生百罹
在肌為潮中絡為痺畫工奪餐夜巧侵寐我具告汝
奚遁情亟善自謀馭風而征無入高門閹閹同條惧汝

所過羅綺損嬌無造市屢毒我人民惧汝所過老稚悲
 嗔無登崇山雲露收藏惧汝所過草木萎黃無厯江河
 無龍恬萃惧汝所過舟楫底滯無經曠野莽蕩何極惧
 汝所過空虛偏側凡汝之為無適而可我為汝計汝亟
 聽我惟王建吏鞭撻責貨殍民以舖垂腴虎坐太熬吏
 胥肆威賊猾行、肥暫以蔑王法將征西南四掠以狂
 戮佃奏凱悅豫且康湯湯閩海鯨掀白日貢金誰何彊矯
 安言田車羯鼓趨、施雄流移行郡秦晉望風犯順舉
 燧攘耕東北振武用師十年不克凡此六塗寔汝攸宜

何去何就聽汝所之豈獨勦克蝨于王國抑亦伸天威
 於四彝病乃戰慄屏息拜辭遠遊於其明日夫人有瘳

卧賦 文德翼

靈曜激丹羽雲流白往問披衣有懷岸幘抗左子之清
 音峻程生之熱客于是時也凡在東郭風來北窻切蟬
 散雜戲燕影雙林榭蕭疎山原清迥花沉玉欄香結金
 鼎深柳書堂長榆畫艇奚童展卷小史斟茗剪蕪竹浴
 溽蘭撫幽操揮素紉理蠟屐緡魚竿欠伸徙倚徜徉盤
 桓心無營而發粲慮寡涉而生嘆忘形問影師莊友搏

不知我達罕識衆謹宜兮其心痿兮其臂何局能轉是
鄉即睡惟天放之幸全寧地文之擅示守朴還淳絕聖
去智百年為往四體曷寄汗瀑如雨鼻吼如雷為木為
石如塊如墮幽通甫歇素夢方回耳已知傾目猶未瞪
呼者在傍汜然若應既曲以枕亦止而定然後狃蹲幄
內鶴舞亭邊婆娑映樹輓轡升泉乃澆乃濯于反于僊
仰竒峰之落々俯怪石之碩々聽鷓鴣之歷々覩蜻蜒
之翾々席陳階除門杜陌所讀易一卦詠詩百篇理增
研而達奧詞減累而流鮮齊得失於方化悟生死於一

眠吾不知誰之子象帝之先

明文海

卷二十八

二十五

明文海卷二十八

